

Ohcejoga gieldda hálddahunjuolggadus

Gielddaráđdehus 28.11.2022 § 195

Váldostivra 15.12.2022 § 64

Fápmuiboahhtin 1.1.2023

Beaiváduvvon 12.3.2025



[Sisdoallu](#)

I oassi Hálddahusa ja doaimma ordnen	6
1. Gieldda stivren	6
1 § Hálddahusnuolggadusa heiveheapmi	6
2 § Gieldda stivrenvuogádat	6
3 § Áššemeannudeapmi gielddaráđdehusas	6
4 § Gielddaráđdehusa ságajođiheaddji barggut	6
5 § Gieldda gulahallan	6
2. Doaibmaorgánaorganisašuvdna	7
6 § Ohcejoga gieldda doaibmaorgánaorganisašuvdna	7
7 § Váldostivra	7
8 § Gielddaráđdehus	7
9 § Dárkkistanlávdegoddi	7
10 § Lávdegottit	7
11 § Gieldda fitnodatlágadus	7
12 § Válgadoaibmaorgánát	7
13 § Váikkuhandoaibmaorgánát	7
3. Bargoveahkaorganisašuvdna	8
14 § Bargoveahkaorganisašuvdna	8
15 § Gielddahoavda	8
16 § Doaibmasurggiid organisašuvdna ja barggut	8
17 § Doaibmasuorgehoavddat (=hálddahushoavddat)	8
18 § Boađussuorgehoavddat	8
19 § Doaibmaovttadagaid hoavddat	8
20 § Fitnodatlágádusa hoavda	9
4. Konsearnastivren ja soahpamušaid hálddašeapmi	9
21 § Konsearnanjunnošat	9
22 § Konsearnanjunnošiid barggut ja doaibmaválddi juohkin	9
23 § Soahpamušaid hálddašeapmi	9
5. Doaibmaorgánaid barggut ja doaibmaválddi juohku	10
24 § Gielddaráđdehusa barggut ja doaibmaváldi.	10
25 § Čuvgehuslávdegotti barggut ja doaibmaváldi.	10
26 § Eallinfápmo- ja tehnikkalaš lávdegotti barggut ja doaibmaváldi	11
27 § Virgehálddašeaddji barggut ja doaibmaváldi	12
28 § Fitnodatlágádusa stivrra barggut ja doaibmaváldi	12
29 § Doaibmaválddi ovddos sirdin	12
30 § Doaibmaváldi mearrida áššegirjji addimis	12
31 § Ássi váldin gielddaráđdehusa gieđahallamii	12
32 § Ássi váldin lávdegotti gieđahallamii	12
33 § Váldingelbbolaš mearrádusa almmuheapmi	12
6. Doaibmaváldi bargoveahkaáššiin	13
34 § Gielddaráđdehusa oppalaš doaibmaváldi bargoveahkaáššiin	13
35 § Virggi vuodđudeapmi ja heaittiheapmi sihke virgenamahusa nuppástuhttin	13
36 § Virgegaskavuođa nuppástuhttin bargogaskavuohtan	13

37 §	Gelbbolašvuodagaibádusat	13
38 §	Ohcanláhkai almmuheapmi	13
39 §	Bálvalangaskavuhtii váldin	13
40 §	Evttolaš välljenmearrádusa nannen	14
41 §	Virgái váldin go virgái välljejuvnon olmmoš eretcealká iežas ovdal virgedoaimmehusa álgima	14
42 §	Vihkedallanvuloš virge- ja bargofriddjavuodát	14
43 §	Eará go vihkkedallanvuloš vergelobit	14
44 §	Virge- ja bargoeaktosoahpamuša vihkkedallanvuloš mearrádusaid heiveheapmi	14
45 §	Virgehálddašeaddji sirdin nuppu virgegaskavuhtii	14
46 §	Siidodoaimmat	14
47 §	Virgehálddašeaddji bargo- ja doaibmannávccaid čielggadeapmi	15
48 §	Virgedoaimmehusas dollen	15
49 §	Virgegaskavuoda ja bargogaskavuoda nuppástuhttin oasseáigásažžan	15
50 §	Lupmui bidjan	15
51 §	Bálvalangaskavuoda nohkan	15
52 §	Massán dietnasiid buhtten	15
53 §	Bálkká ruovttoluottabearran	15
7.	Áššegirjehálddahusa ordnen	16
54 §	Gielddaráđdehusa áššegirjehálddahusa barggut	16
55 §	Áššegirjehálddahusa njunuš virgehálddašeaddji / doaibmaolbmo barggut	16
56 §	Lávdegotti / doaibmasuorggi áššegirjehálddahusa barggut	16
7 A	Gielalaš vuoigatvuodát	17
57 §	Ássiid ja bálvalusaid geavaheaddjiid gielalaš vuogatvuodát gieldda hálddahusas	17
58 §	Gielalaš vuoigatvuodát gieldda doaibmamis	17
59 §	Gielalaš vuoigatvuodaid ollašuvvama čuovvun ja raporteren	17
II oassi	Ruhtadoallu ja gohcin	18
8.	Ruhtadoallu	18
60 §	Bušehtaárvalus ja ekonomiiplána	18
61 §	Bušehta ollašuhttin	18
62 §	Doaibmama ja ruhtadoalu čuovvun	18
63 §	Bušehtaárvalusa čadnivohta	18
64 §	Bušehta nuppástusat	18
65 §	Opmodaga luohpadeapmi ja láigoheapmi	19
66 §	Sihkkuplána dohkkeheapmi	19
67 §	Ruhtadoaimma dikšun	19
68 §	Mávssuin mearrideapmi	19
69 §	Áššegirjiiid addimis bearran mávssut	19
9.	Olggaldas gohcin	19
70 §	Olggaldas ja siskkáldas gohcin	19
71 §	Dárkkistanlávdegotti čoahkkimat	20
72 §	Dárkkistanlávdegotti barggut ja raporteren	20
73 §	Čatnagasvuodaalmmuhusaide laktášeaddji barggut	20
74 §	Rehketdoallodárkkistanervoša välljen	20
75 §	Rehketdoallodárkkisteaddji barggut	20
76 §	Dárkkistanlávdegotti addin barggut	21
77 §	Rehketdoallodárkkistanmuitalus ja eará raporteren	21

10.	Siskkáldas gohcin ja riskkaidhálddašeami	21
78 §	Gielddaráđdehusa siskkáldas gohcima ja riskkaidhálddašeami barggut	21
79 §	Lávdegotti ja stivrra siskkáldas gohcima ja riskkaidhálddašeami barggut	21
80 §	Virgehálddašeaddjiid ja ovdaolbmuid siskkáldas gohcima ja riskkaidhálddašeami	22
81 §	Siskkáldas dárkkisteami barggut	22
III oassi Stivra		23
11.	Váldostivrra doaibman	23
82 §	Váldostivrra doaibmama ordnedeamit	23
83 §	Váldostivrrajoavkku čohkken ja váldostivrrajoavkku namma	23
84 §	Nuppástusat váldostivrrajoavkku čoahkus	23
85 §	Čohkkánortnet	23
12.	Váldostivrra čoahkkimat	24
86 §	Váldostivrra fásta čoahkkin ja elektrovnnalaš čoahkkin	24
87 §	Čoahkkinbovdehus	24
88 §	Evttohuslistá	24
89 §	Elektrovnnalaš čoahkkinbovdehus	24
90 §	Evttohuslisttá ja čuvvosiid almmustahttin gieldda fierbmesiidduin	24
91 §	Joatkačoahkkin	25
92 §	Várreáirasa bovden	25
93 §	Mieldeorrun čoahkkimis	25
94 §	Čoahkkima lágalašvuolta ja mearridanváldi	25
95 §	Čoahkkima jođiheapmi	25
96 §	Ságajođiheami luohpadeapmi várreságadoallái	26
97 §	Gaskaboddosaš ságadoalli	26
98 §	Easttalašvuolta	26
99 §	Áššiid gieđadallanortnet	26
100 §	Sáhkavuorut	26
101 §	Manjeapmi ja ášši máhcaheapmi válmmaštallamii	27
102 §	Evttohusat ja hálešteami loahpaheapmi	27
103 §	Almmá jienasteami haga šaddi mearrádusa gávnaheapmi	27
104 §	Jienasteapmái váldin evttohusat	27
105 §	Jienastanvuohki ja jienastanortnet	27
106 §	Jienasteami bohtosa gávvaheapmi	28
107 §	Doaibmabidjoálgga	28
108 §	Beavdegirjji ráhkadeapmi ja dárkkisteapmi	28
109 §	Mearrádusaid diehtunaddin gieldda olbmuide	28
13.	Eanetlohkoválga ja gorálaš válga	28
110 §	Válggaide guoski dábálaš mearrádusat	28
111 §	Eanetlohkoválga	29
112 §	Váldostivrra válgalávdegoddi	29
113 §	Evttohuslisttáid ráhkadeapmi	29
114 §	Evttohaslisttáid guođin ja válgadoaimmahusa nammačuorvun	29
115 §	Evttohaslisttáid dárkkisteapmi ja vuigen	29
116 §	Evttohaslisttáid ovttahttin	29
117 §	Gorálaš válgga doaimmaheapmi	30
118 §	Gorálaš válgga bohtosa gávnaheapmi	30

14.	Lohkuváldostivraáirasa álgga- ja jearranvuoigatvuohta	30
119 §	Váldostivraáirasiid álgagat	30
120 §	Gielddaráđdehussii čujuhan láhkai gažaldat	30
121 §	Gažahandiibmu	30
IV	Oassi Mearrádusdahkan- ja hálddabusmeannudeapmi	32
15.	Čoahkkinmeannudeapmi	32
122 §	Mearrádusaid heiveheapmi	32
123 §	Doaimaorgánaid mearrádahkanvuogit	32
124 §	Elektronnalaš čoahkkin	32
125 §	Elektrovnnalaš mearrádusdahkanmeannudeapmi	32
126 §	Čoahkkináigi ja -báiki	32
127 §	Čoahkkinbovdehus	33
128 §	Elektrovnnalaš čoahkkinbovdehus	33
129 §	Evttohuslisttá ja čuvvosiid almmustuhttin gieldda fierbmesiidduin	33
130 §	Joatkačoahkkin	33
131 §	Várrelahtun bovden	33
132 §	Mieldeorrun čoahkkimis	33
133 §	Gielddaráđdehusa ovddasteaddji eará doaibmaorgánain	34
134 §	Čoahkkima almmolašvuohta	34
135 §	Čoahkkima lágalašvuohta ja mearridanváldi	34
136 §	Gaskaboddosaš ságadoalli	34
137 §	Čoahkkima jođideapmi ja sáhkavuorut	34
138 §	Čoahkkinbovdehusas máinnaškeahates ášši giedahallan	34
139 §	Áššegiedahallit	34
140 §	Ovdanbuktin	35
141 §	Easttalašvuohta	35
142 §	Maŋideapmi ja ášši máhcaheapmi válmmaštallamii	35
143 §	Evttohusat ja ságastallama loahpaheapmi	35
144 §	Jienasteami haga šaddi mearrádusa gávnaheapmi	36
145 §	Jienasteapmái váldin evttohusat	36
146 §	Jienasteapmi ja válga	36
147 §	Beavdegirjji ráhkadeapmi ja dárkkisteapmi	36
148 §	Mearrádusaid diehtunaddin gieldda lahtuide	37
149 §	Mávssut luohhámušdoaimma dikšumis	37
16.	Eará mearrádusat	38
150 §	Álggavuoigatvuohta	38
151 §	Álgaga giedahallan	38
152 §	Álgaga dahkkái addin dieđdut	38
153 §	Bargofápmobálvalusat	38
154 §	Áššegirjjiid vuolláičállin	38
155 §	Duodaštuslaš diehtunaddima vuostávdin	39

I oassi

Hálddahusa ja doaimma ordnen

1. Gieldda stivren

1 § Hálddahusjuolggadusa heiveheapmi

Ohcejoga gieldda hálddahusa ja doaimma ordnemis sihke mearrádusdahkan- ja čoahkkinmeannudan-vugiin čuovvut dán hálddahusjuolggadusa mearrádusaid, jos lágas ii leat nuppeláhkai mearriduvvon.

2 § Gieldda stivrenvuogádat

Gieldda stivren vuodđuduvvá gieldastrategijai, ekonomiiaplánii, bušehtii sihke eará váldostivra mearrádusaide.

Váldostivra vástida gieldda doaimmas ja ekonomiijas, geavaha gieldda mearridanválddi ja sirdá doaimmaválddis hálddahusjuolggadusa mearrádusain.

Gielddaráđdehus vástida váldostivra mearrádusaid válmmaštallamis, ollašuttimis ja lágalašvuoda bearráigeahčus.

Gielddaráđdehus stivre gieldda doaimma, hálddahusa ja ekonomiija. Gielddaráđdehus vástida gieldda doaimma oktiiheiveheamis ja oamasteaddjistivremis sihke gieldda bargoveahkapolitihkas ja fuolaha gieldda siskkáldas gohcimis ja riskkaidhálddašeami ordnemis.

Gielddahoavda stivre gielddaráđdehusa vuložin hálddahusa, ekonomiijadikšuma ja eará doaimma. Gielddahoavda vástida áššiid válmmaštallamis gielddaráđdehusa gieđahallama várás.

3 § Áššemeannudeapmi gielddaráđdehusas

Gielddaráđdehusa áššemeannudeaddjin lea gielddahoavda. Go gielddahoavda lea eret dahje lea easttalaš, áššemeannudeaddjin doibme guhte lea su sadjásažžan mearriduvvon.

4 § Gielddaráđdehusa ságajođiheadji barggut

Gielddaráđdehusa ságajođiheadji

- stivre gieldastrategijja sihke gielddaráđdehusa doaimmaid ollašuttima gáibidan politihkalaš oktasašbarggu ja ollašuttá politihkalaš joavkkuiguin dan ságastallama maid áššiid gieđahallan gáibida sihke doallá heivvolaš vuogi mielde oktavuoda gieldda ássiide ja eará čanusjoavkkuide
- vástida gielddahoavdda hoavdasoahpamuša válmmaštallamis ja fuolaha gielddaráđdehusa ja váldostivrra laktimis válmmaštallanprosessii áššáigullelaš láhkai
- vástida das, ahte gielddahoavddaiguin čađahuvvo jahkásaččat ulbmil- ja árvoštallanságastallamat.

5 § Gieldda gulahallan

Gielddaráđdehus stivre gieldda doibmii guoski gulahallama. Gielddaráđdehus dohkkeha almmolaš rávvagiid gulahallama ja márkanastima prinsihpain sihke nammada gulahallamis vástideaddji virgehálddašeaddjiid.

Doaibmaorgánat láhčēt iežaset doibmasuorggis vejolašvuodaid čađačuovgi doaibmamii áššiid válmmaštallamis ja mearrádusdahkamis.

Gielddaráđdehus, lávdegottit, gielddahoavda sihke doaibmasurggiid njunuš virgehálddašeaddjit fuolahit, ahte gieldda ássit ja bálvalusiat geavaheaddjit oččot doarvái dieđuid válmmaštallama vuloš ja almmolaččat mearkkašahtti áššiin ja sáhttet oassálastit ja váikkuhit dáid áššiid válmmaštallamii. Gulahallamis geavahuvvo čielga ja áddehahtti giella ja vuhtii váldojit gieldda iešguđet ássijoavkkuid dárbbut sihke sámi giellalágas čuovvu sámegeilat gielddalaččaid vuoigatvuodat.

2. Doaibmaorgánaorganisašuvdna

6 § Ohcejoga gieldda doaibmaorgánaorganisašuvdna

Gonvádus gieldda doaibmaorgánaorganisašuvnnas lea hálddahusnjuolggadusa čuovusin.

7 § Váldostivra

Váldostivrras leat 15 áirasa. Váldostivrra ságajođiheaddjiid guoski mearrádusat leat 85 §:s.

8 § Gielddaráđdehus

Gielddaráđdehusas leat 7 lahtu, geain váldotivra vällje gielddaráđdehusa ságajođiheaddji ja várreságajođiheaddji. Juohke lahtus lea persovnnalaš várrelahttu.

9 § Dárkkistanlávdegoddi

Dárkkistanlávdegottis leat 3 lahtu, geain váldotivra vällje lávdegotti gielddaráđdehusa ságajođiheaddji ja várreságajođiheaddji. Juohke lahtus lea persovnnalaš várrelahttu. Ságajođiheaddji ja várreságajođiheaddji galget leat áirasat. Juohkehaš lahtus lea persovnnalaš várrelahttu.

10 § Lávdegottit

- Čuvgehuslávdegottis leat 7 lahtu.

- Eallinfápmo- ja teknihkalaš lávdegottis leat 9 lahtu.

Váldostivra vällje lávdegottiid lahtuin ságadoalli ja várreságadoalli. Lávdegotti juohke lahtus lea persovnnalaš várrelahttu.

11 § Gieldda fitnodatlágadus

Lasihuvvo dárbbu mielde.

12 § Válgadoaibmaorgánat

Guovddášválgalávdegottis, válgalávdegottis ja válgadoaibmagottiin mearriduvvo válgalágas.

13 § Váikkuhandoaibmaorgánat

Gielddas lea nuoraidstivra, boarrásiidráđđi ja lápmásiidráđđi, maid čoahkus, ásaheamis ja doaibmanvejolašvuodain mearrida gielddaráđdehus.

3. Bargoveahkaorganisašuvdna

14 § Bargoveahkaorganisašuvdna

Govvádus gieldda bargoveahkaorganisašuvnnas lea hálddahusnjuolggadusa čuovusin.

15 § Gielddahoavda

Gielddahoavda vástida gielddaráđdehusa doaimbasuorggi doaimmas sihke stivre ja ovddida doaimmaid gielddaráđdehusa vuollásažžan.

Gielddaráđdehus mearrida gielddahoavdda sadjásačča, guhte dikšu gielddahoavdda bargguid go gielddahoavda lea eret dahje easttalaš.

16 § Doaimbasurggiid organisašuvdna ja barggut

Gielddaráđdehus mearrida doaimbasurggiid gaskasaš bargojuogus dáinna oasiin go hálddahusnjuolggadusas ii leat áššis mearriduvvon.

17 § Doaimbasuorgehoavddat (=hálddahushoavddat)

Gieldda doaimmat ja bargoveahka juohkásit

- dárkkistanlávdegotti vuollásaš ruhtadoalldárkkisteapmái
 - gielddaráđdehusa vuollásaš guovddášhálddahussii
 - čuvgehuslávdegotti vuollásaš čuvgehusdoibmii
- eallinfápmo- ja teknikkalaš lávdegotti vuollásaš eallinfápmoibmii ja teknikkalaš doibmii
Hálddahusossodaga doaimbasuorgehoavda lea gielddahoavda, guhte heiveha oktii sierra doaimbasurggiid doaimma. Čuvgehusdoaimma buresveadjinhoavda, teknikkalaš doaimma giddodathoavda, eallinfápmoibmii doaimma eallinfápmoibmii.
Doaimbasuorgehoavda/hálddahushoavda vástida iežas doaimbasuorggi/hálddahusgotti doaimmas sihke stivre ja ovddida doaimma gielddaráđdehusa, gielddahoavdda ja lávdegotti vuollásažžan.
Doaimbasuorgehoavda oassálastá doaimbasurggiid gaskasaš oktasašbargui ja fuolaha bealistis doaimbasuorgerájáid rasttildeaddji dieđujohtimis.
Dárkkistanlávdegoddi vuollásaš doaimmas ii leat doaimbasuorgehoavda/hálddahushoavda.
Gielddaráđdehus mearrida doaimbasuorgehoavdda/hálddahushoavdda sadjásačča, guhte dikšu doaimbasuorgehoavdda/hálddahushoavdda bargguid dallego son lea eret dahje easttalaš.

18 § Boađussuorgehoavddat

Boađussuorgehoavda vástida boađussuorggi doaimmas sihke stivre ja ovddida doaimma gielddaráđdehusa, lávdegotti ja doaimbasuorgehoavdda vuollásažžan.

Áššáiosolaš doaimbasuorgehoavda mearrida boađussuorgehoavdda sadjásačča, guhte dikšu boađussuorgehoavdda bargguid dallego son lea eret dahje.

19 § Doaimmaovttadagaid hoavddat

Doaimmaovttadaga hoavda vástida doaimmaovttadaga doaimmas sihke stivre ja ovddida doaimma boađussuorgehoavdda vuollásažžan.

Áššáiosolaš boadussuorgehoavda mearrida doaimaovttadaga hoavdda sadjásačča, guhte dikšu boadussuorgehoavdda barggaid dallego son lea eret dahje easttalaš.

20 § Fitnodatlágádusa hoavda

Lasihuvvo dárbbu mielde.

4. Konsearnastivren ja soahpamušaid hálddašeapmi

21 § Konsearnanjunnošat

Gieldda konsearnanjunnošiidda gullet gielddaráđdehus sihke gielddahoavda.

22 § Konsearnanjunnošiid barggut ja doaimaválddi juohkin

Gielddaráđdehus

- ovddasvástádus oamasteaddjipolitihka, oamasteaddjistivrema prinsihpaid ja konsearnarávvgaga ovddideamis ja válmmaštallamis váldostivrii
 - ovddasvástádus oamasteddjistivrema ollašuhttimis ja organisere konsearnajodiheami ja konsearnagohcima
 - mearrida konsearnanjunnošiidda gullelaš virgehálddašeaddjiid iešguđe vuolleservoša- ja osolašvuhtaservoša guoski bargujuogu
- addá váldostivrii jahkebeale gaskkaid raportta fitnodatserviid ulbmiliid ollašuvvamis ja ekonomalaš dili ovdáneamis sihke árvvoštallama boahpteáiggi ovdáneamis ja riskkain
 - árvvoštallá jahkásaččat oamasteaddjistivrema boaduslašvuoda giellakonsearna oppalaš ovddu ollašuvvama, riskkaidhálddašeami ja meannudanvugiin dáfus ja dagaha olggobeale olbmui árvvoštallama oktii váldostivrabajis
 - gieddahallá árvvoštallama bohtosiid ja jurddabohtosiid váldostivra ságajodiheaddjiiguin.
- čuovvu ja árvvoštallá fitnodatserviid ulbmiliid ollašuvvamis ja ekonomalaš dili ovdáneami ja dahká daid vuodul dárbbu mielde evttohusaid gielddaráđdehussii
 - addá gieldda ovdaoavila konsearnarávvgaga eaktudan áššiin
 - ovddasvástida vuolleservošiid stivrraid lahtuid nammadanproseassas
 - nammada gieldda evttohasaid vuolleservošiid stivrraide
 - nammada fitnodatsearveovddasteaddjiid ja addá sidjiide oamasteaddjistivrema eaktudan doaimarávvgiid.

Gielddahoavdda bargun lea doibmet konsearnna hoavdan ja aktiivvalaš oamasteaddjistivremiin veahkehit iežas stivrema vuloš fitnodatserviid hálddahussii ja doaimmaide.

23 § Soahpamušaid hálddašeapmi

Gielddaráđdehus ovddasvástida soahpamušaid hálddašeami ja soahpamušgohcima ordnemis, addá dárkilut rávvagiid soahpamušhálddašeamis sihke mearrida soahpamušaid iežas doaimmasuorggis vástuolbmuid.

Lávdegoddi mearrida soahpamušaid iežas doaimmasuorggi vástuolbmuid.

5. Doaibmaorgánaid barggut ja doaibmaválddi juohku

24 § Gielddaráđdehusa barggut ja doaibmaválddi.

Áššemeannudeaddjin doibme gielddahoavda.

Gielddaráđdehus stivre gieldda doaimma ja vástida gielдалágas mearriduvvon bargguin sihke mearrida čuovvovaš iežas doaibmasuorggi gullevaž áššiin:

1. gieldda kássaváriid investerenvuodđojurdagiid dohkkeheapmi
2. loana váldin
3. dearvvasvuoda ja buresveadjima ovddideami koordineren ja stivren
4. eanageavaheami strategalaš ja oppalašplánen
5. mearrida huksenlága 57 § mielde spiehkaseamis
6. eanageavahan- ja huksenlága (171 §:a) čuovvu spiehkastanváldi ja addojuvvon cealkámušat
7. čilgehusa addin váldostivrra mearrádusas go gielddaráđdehus sáhtta leat ovttá oaivilis váldostivrra mearrádusain
8. bargoveaga vahátbuhtadusvásttus mearrideapmi
9. gieldda opodat-, bargoveahka- ja doaibmariskkaid dáhkádusvuodđojurdagiid nannen
10. mearrida huksenlága 57 § mielde spiehkaseamis
11. huksenlága 53 § mielde eanadatbargolohpi gáddesajádatlávaguovllus, oppalašlávaguovllus ja guovllus gos lea fámus huksengiellu (53 § 1 mom 2 - 4 báikki mielde)
12. guovlluideavahanlága 53 § mielde huksengildosa mearrideapmi guvlui, gos sajádatláva gárvvisteapmi dahje nuppástuhttin lea jođus

25 § Čuvgehuslávdegotti barggut ja doaibmaválddi.

Áššemeannudeaddjin doibmá buresveadjinhoavda.

Čuvgehuslávdegoddi stivre ja ovddida iežas vuollásaš doaibmasuorggi ja vástida bálvalusaid buoduslaš ordnemis suoma- ja davvisámegillii nu mo láhka geatnegahtta. Lávdegoddi čuovvu ja árvoštallá bálvalusaid váikkuhanmuni ja várre ássiide ja geavaheaddjiide vejolašvuoda oassálastit bálvalusaid plánemii ja ovddideapmai.

Lávdegoddi ovddasta gieldda ja geavaha gieldda hállanválddi iežas doaibmasuorgái gullevaž áššiin.

Lávdegoddi mearrida čuovvovaš doaibmasuorgásis gullevaž áššiin:

1. vuodđooahpahušlága miellásaš ovda- ja vuodđooahpahas
2. vuodđooahpahušlága miellásaš skuvllalaččaid iđit- ja eahketbeaivedoaibma
3. logahatlága miellásaš logahatskuvlen ja eará nuppi dási skuvlen
4. friddja čuvgehusbarggus ja dáidaga vuodđooahpahas addojuvvon lágaid miellásaš skuvlen
5. girjerádjo- ja diehtobálvlausat, kulturdoaibma, lihadan - ja nuoraiddoaibma
6. árrabajásgeassin
7. ovddidanfidnodoaibman
8. dearvvasvuoda ja buresveadjima ovddideami koordineren ja jođiheapmi

26 § Eallinfápmo- ja teknihkalaš lávdegotti barggut ja doaibmaváldi

Áššemeannudeaddjin leaba eallinfápmohoavda ja teknihkalaš doaimma hoavda iežaska doaibmasuorggi áššiin. Áššemeannudeaddjin eanageavahan- ja huksenlágas meroštallon áššiin doaibmá huksendarákkisteaddji, geas lea dain virgeovddasvástáduš.

Elinvoima- ja teknihkalaš lávdegoddi stivre ja ovddida iežas vuloš doaibmasuorggi ja ovddasvástida bálvalusaid boađuslaš ordnemis. Lávdegoddi čuovvu ja árvvoštallá bálvalusaid váikkuheami ja várre ássiide ja geavaheaddjiide vejolašvuoda oassálastit bálvalusaid plánemii ja ovddideapmái.

Lávdegoddi ovddasta gieldda ja geavaha gieldda hállanválddi iežas doaibmasuorggi gullelaš áššiin.

Lávdegoddi mearrida čuovvovaš doaibmasuorgásis gullelaš áššiin:

1. aláhus- ja fitnodatbálvalusat
2. dálanguovlohálddahusa bálvalusat, šibitdálkkodanfuolahus sihke dasa laktáseaddji lágaid čuovvu eiseváldi-, lohpe- ja gohcinbarggut (oktasašdoaibmaguovlu Anár gielddain)
3. ovddidanfidnodoaibma ja -bálvalusat
4. rádjeguovlooktasašbargobálvalusat ja oktasašbálvalusaid bálvalusat
5. turismarávven ja guovlomárkanastin
6. ealáhuspolitihkalaš ovdogohcin ja muu eará ealáhusdoaimma doarju doaibma ovtas gielddaráđdehusain
7. bargguiduvvama ovddideaddji oktasašbálvalusat, geatnegahttonbargguiduhttin ja vihkkedallanvuloš bargguiduhttinbálvalus (sirdásit vuođđodorvolávdegottis eallinfápmo- ja teknihkalaš lávdegodái)
8. giddodatdoaibma, huksen, sadjebálvalandoaibma, priváhtageaidnodáhpáhusat
9. sajádatlávvanuppástus ja birra plánen
10. doaibmat eanageavahan - ja huksenlága čuovvu huksenberráigeahččaneiseváldin
11. doibme huksenlága mielde huksengohcineiseváldin huksenlága 99 § vuođu
12. doibme huksenlága 32 §:n 2 mom. mielde lohpeeiseváldin (buollindorvvolašvuođaplána)
13. huksensadjelohpi huksenlága 43 § 1 mom. mielde
14. huksenlohpi huksenlága 46 § 2 mom. mielde
15. eanadatbargolohpi huksenlága 53 § mielde sajádatlávvguovllus (53 § 1 mom. báiki 1)
16. gaikkodanlohpi huksenlága 56 § mielde
17. unna spiehkasteapmi huksenlobi oktavuodas huksenlága 59 §
18. huksengohcineiseváldi gullá ja dieđiha huksenlobi birra huksenlága 63 §, 64 § ja 65 § mielde
19. huksengohcineiseváldi bivdá dárbašlaš lohpeohcamušaid cealkamušaid huksenlága 66 § ja 67 § mielde
20. addá mearrádusa lohpeimearrádusain huksenlága 76 § mielde
21. doibme huksenlága 78 § 2 mom. mielde lohpeeiseváldin (álggahanvuoigatvuohta)
22. doibme huksenlága 132 § mielde eiseváldin (čáhcejohtima stivren ja gráven)
23. doibme huksenlága 142 § mielde eiseváldin johtolatgeainnut, gáhtat, toarggat ja gáhttašiljut sihke párkkat ja orodeapmái dárkkuhuvvon olgosajit)

24. doibme guovlluideavahanlága 13 a kapihttala dárkkuhan doaibmaorgánan, mas leat mánnga lahtu (Stulčečáziid guoskevaš sierra njuolggadusat)

Eallinfápmo- ja teknikkalaš lávdegotti doaibmasuorgái gullet dálonguovloaláhusvirgeoapmahačča barggut dikšojuvvojit Anára ja Ohcejoga guovllus Anára sosiála- ja dearvvasvuoda- lávdegotti birasjuhkosis, mii vuodđuduvvá Anára ja Ohcejoga gaskasaš oktasašdoaibmasoahpamuššii.

Teknikkalaš lávdegoddi doaibmá eanageavahan- ja huksenlága 13 a logu (Eanačáziid guoski sierra mearrádusat) oaivvildan mánngalahtot doaibmaorgánan.

27 § Virgehálddašeddji barggut ja doaibmaváldi

Virgehálddašeddjiid bargguin ja doaibmasuorggis, jos dain ii leat mearriduvvon omd. virggi vuodđudeami oktavuodas, mearrida doaibmasuorgehoavda dahje doaibmasuorgehoavddat ovttas. Oktii heivehuvvon áššiin mearrádusváldi lea gielddahoavddas.

28 § Fitnodatlagádusa stivrra barggut ja doaibmaváldi

Lasihuvvo dárbbu mielde.

29 § Doaibmaválddi ovddos sirdin

Doaibmaorgána sáhtá sirdit dasa dán logus mearriduvvon doaibmaválddi ovddos iežas vuloš virgeoapmahažžii. Dat, geasa doaibmaváldi lea sirdojuvvon, ii sáhte šat sirdit doaibmaválddi ovddos.

30 § Doaibmaváldi mearrida áššegirjji addimis

Váldostivra áššegirjjiid guoski diehtobivdagiid čoavdá váldostivrra čállin mearriduvvon virgehálddašeddji.

Doaibmaorgána sáhtá iežas mearran viidodagas sirdit áššegirjji addima guoski virgeoapmahačča čoavdinválddis iežas vuloš virgehálddašeddjai.

31 § Ássi váldin gielddaráđdehusa gieđahallamii

Ášši váldimis gielddaráđdehusa gieđahallamii sáhtá mearridit gielddaráđdehus, gielddaráđdehusa ságajođiheaddji ja gielddahoavda.

32 § Ássi váldin lávdegotti gieđahallamii

Ášši sáhtá gieldalága 92 §:a mielde váldit lávdegotti gieđahallamii, jos ii leat almmuhuvvon ášši váldimis gielddaráđdehusa gieđahallamii.

Ášši váldimis lávdegotti gieđahallamii sáhtá mearridit lávdegotti ja dan ságajođiheaddji lassin lávdegotti áššemeannudeaddji.

33 § Váldingelbbolaš mearrádusa almmuheapmi

Gielddaráđdehusa vuloš virgeoapmahaš galgá almmuhit gielddaráđdehussii dahkan váldingelbbolaš mearrádusain earet dakkáraš áššiid dahje áššejoavkkuid, main gielddaráđdehus lea mearridan, ahte dat ii geavat váldinvuoigatvuoda.

Gielddaráđdehus 28.11.2022 § 195 • Váldostivra 15.12.2022 § 64

Lávdegotti vuloš virgeoapmahaš sihke lávdegotti juogus galgá almmuhit lávdegoddái dahkan váldingelbbolaš mearrádusain earet dakkáraš áššiid dahje áššejoavkkuid, main lávdegoddi lea mearridan, ahte dat ii geavat váldinvuoigatvuođa.

Almmuhusa galgá dahkat njealji beaivvi siste beavdegirjji dárkkisteamis. Jos beavdegirji ii dárkkistuvvo, mearreáigi rehkenastojuvvo beavdegirjji vuolláičállimis.

Almmuhus dahkkojuvvo elektrovnnalaččat gielddaráđdehusa (ja lávdegotti) ságajođiheaddjái ja áššemeannudeaddjái.

Mearrádusat dain áššiin, main ii dárbbas almmuhit, sáhttá váldinvuoigatvuođa easttekeahhtá ollašuttit, jos ovttaskas dáhpáhusas ii leat almmuhuvvon ášši váldimis gielddaráđdehusa (dahje lávdegotti) gieđahallamii.

6. Doaimaváldi bargoveahkaáššiin

34 § Gielddaráđdehusa oppalaš doaimaváldi bargoveahkaáššiin

Jos doaimaválddis bargoveahkaáššiin ii leat ásahuvvon lágas iige mearriduvvon hálddahunjuolggadusas, doaimaváldi lea gielddaráđdehusas.

35 § Virggi vuođđudeapmi ja heaittiheapmi sihke virgenamahusa nuppástuhttin

Váldostivrra mearrida virggi vuođđudeamis ja heaittiheamis sihke virgenamahusa nuppástuhttimis.

36 § Virgegaskavuoda nuppástuhttin bargogaskavuohan

Gielddaráđdehus mearrida virgegaskavuoda nuppástuhttimis bargogaskavuohan.

37 § Gelbbolašvuođagaibádusat

Gielddahoavdda virggi gelbbolašvuođagaibádusain mearrida váldostivra.

Eará virggiid gelbbolašvuođagaibádusain mearriduvvo go virgi vuođđuduvvo

Jos olmmoš váldo virgegaskavuhtii almmá, ahte doaimma várás lea vuođđuduvvon virgi, gelbbolašvuođagaibádusain mearrida gielddaráđdehus.

38 § Ohcanláhka almmuheapmi

Virggi dahje virgegaskavuoda almmuha ohcanláhka virgegaskavuoda váldimis mearrideaddji virgeoapmahaš. go virgegaskavuhtii váldimis mearrideaddji virgeoapmahaš lea váldostivra, virggi dahje virgegaskavuoda almmuha goittotge ohcanláhka gielddaráđdehus.

39 § Bálvalangaskavuhtii váldin

Váldostivra mearrida gielddahoavdda, buresveadjinnoavda, eallinfápmoavda sihke giddodathoavda válljemis.

Gielddaráđdehus ja lávdegoddit mearridit iežaset vuollásaš virgehálldašeaddjiid ja bargiid válljemis ja eretcealkimis.

Geahččalanáiggi mearrideamis dahje soahpamis ja geahččalanáiggi bistináiggi mearrida dat, gii váldá bálvalangaskavuhtii.

40 § Evttolaš välljenmearrádusa nannen

Evttolaš välljenmearrádusa nanne bálvalangaskavuhtii váldimis mearridan virgeoapmahaš. Váldostivrra evttolaš välljenmearrádusa nanne goittotge gielddaráđdehus. Doaibmaorgána välljema nanne doaibmasuorgehoavda.

Evttolaš välljenmearrádusa fámohevva meroštallá mearrádusain bálvalangaskavuhtii váldimis mearridan virgeoapmahaš.

41 § Virgái váldin go virgái välljejuvvon olmmoš eretcealká iežas ovdal virgedoaimmahaš álgima

Jos virgái dahje virgegaskavuhtii, mii leamašan ohcanláhkai, välljejuvvon olmmoš eretcealká iežas ovdal virgedoaimmahaš álgima, iige várresadjái leat välljejuvvon giige, de sáhtta virgehálldašeddji välljet daid virggi dahje virgegaskavuoda ohcan olbmuid joavkkus, geat almmuhit, ahte ohcamuš lea ain fámus.

42 § Vihkedallanvuloš virge- ja bargofriiddjavuođat

Gielddaráđdehus mearrida gielddaráđdehusa ja lávdegotti áššemeannudeaddjiid badjel jagi virgelobi mieđiheamis. Gielddahoavdda badjel vahku virgelobiin mearrida gielddaráđdehusa ságajodiheaddji. Gielddahoavda ja hálddahushoavddat mieđihit eanemustá 6 mánotbaji vihkedallanvuloš bálkkáhis virgelobiid dahje bargolobiid. Badjel jagi vihkedallanvuloš bálkkáhis virgelobiid ja bargofriiddjavuođa mieđiha dat, guhte doibmii lea välljen earet eará váldostivrra välljen virgehálldašeddjiid, geaid virgelobiid mieđiha gielddaráđdehus. Virgelobiid ja bargofriiddjavuođa mieđiheamis berre čuovvut gielddaráđdehusa dohkkehan bargoveahkarávva.

43 § Eará go vihkedallanvuloš vergelobit

Gielddaráđdehusa ságajodiheaddji mieđiha gielddahovdii sihke gielddahoavda ja eará hoavddat mieđihit iežasat vuollásačcaide eará go vihkedallanvuloš virgelobiid dahje bargoluomuid.

44 § Virge- ja bargoeaktosoahpamuša vihkedallanvuloš mearrádusaid heiveheapmi

Juos dán logus ii leat nuppe láhkai mearriduvvon, virge- ja bargoeaktosoahpamuša vihkedallanvuloš mearrádusaid heiveheamis mearrida gielddaráđdehus gielddahoavdda ja áššemeannudeaddjiid oasil. Earáid oasil bálkká ja eará ekonomalaš ovddu guoski vihkedallanvuloš mearrádusaid dahká dat, guhte olbmo lea doibmii välljen. Dáhpáhusain, main lea vejolaččat váikkuhus earáid bálkkáide, áššis mearrida dat virgehálldašeddji, gean bargun gielddaráđdehus lea mearridan bálkkáššiid kontaktaolbmo bargguid.

Earáin go hálddahunjuolggadusas máinnašuvvon vihkedallanvuloš mearrádusaid heiveheamis sáhtta gielddaráđdehus dahje doaibmaorgána gielddaráđdehusadohkkehan vuodđojurdagiid mielde sirdá doaibmaválddis gielddahovdii, doaibmasuorgehovdii, boadusguovlohovdii, doaibmaovttadaga hovdii dahje eará virgehálldašeddjiide.

45 § Virgehálldašeddji sirdin nuppu virgegaskavuhtii

Virgehálldašeddji sirdimis nuppi virgegaskavuhtii gielddaid virgehálldašeddjilága 24 §:n vuodul mearrida virgeoapmahaš, geas lea doaibmaváldi guktuide virgegaskavuodaide váldimis. Jos doaibmaváldi lea eará virgeoapmahaččaš, sirdimis mearrida gielddaráđdehus.

46 § Siidodoaimmat

Siidodoaimmalohpeohcamuša čoavdá ja siidodoaimmalobi šluhttemis sihke siidodoaimma vuostávdima ja doallama gieldimis mearrida dat doaibmaorgána, man vuollásaš olmmoš lea.

47 § Virgehálddašeaddji bargo- ja doaibmannávccaid čielggadeapmi

Gielddaráđdehusa ságajođiheadji mearrida gielddaid virgehálddašeaddjilága 19 §:a vuodul dearvvasvuodadili guoski dieđuid bivdimis gielddahoavddas sihke gielddahoavdda mearrideamis dearvvasvuodadili guoski dárkkistemiide ja dutkamusaide.

Hoavda (virgehálddašeaddji) mearrida gielddaid virgehálddašeaddjilága 19 §:a vuodul dearvvasvuodadili guoski dieđuid bivdimis iežas vuollásaš virgehálddašeaddjis sihke virgehálddašeaddji mearrideamis dearvvasvuodadili guoski dárkkistemiide ja dutkamusaide.

48 § Virgedoaimmahuas dollen

Váldostivrra mearrida gielddahoavdda virgedoaimmahuas dollemis

Gielddaráđdehus ja lávdegoddi mearridit iežas vuollásačča virgedoaimmahuas dollemis.

Gielddahoavda sáhhtá ovdal gielddaráđdehusa čoahkkima mearridit gielddaráđdehusa vuollásaš virgehálddašeaddji gaskaboddasaš virgedoaimmahuas dollemis.

Áššemeannudeaddji sáhhtá ovdal lávdegotti čoahkkima mearridit lávdegotti vuollásaš virgehálddašeaddji gaskaboddasaš virgedoaimmahuas dollemis.

49 § Virgegaskavuoda ja bargogaskavuoda nuppástuhttin oasseáigásažžan

Virgegaskavuoda ja bargogaskavuoda nuppástuhttimis oasseáigásažžan mearrida bálvalusgaskavuhtii váldi virgeoapmahaš.

50 § Lupmui bidjan

Gielddaráđdehus mearrida bargoveaga lupmuibidjama vuodđojurdagiin.

Virgehálddašeaddji ja bargi lupmuibidjamis doaisttázii dahje mearreáigái mearrida hoavda gielddaráđdehusa mearridan vuodđojurdagiid mielde.

51 § Bálvalangaskavuoda nohkan

Bálvalangaskavuoda loahpaheamis geahččalanáigge, eretcealkimis, burgimis jaburgima doalaheamis mearrida bálvalangaskavuhtii váldi virgeoapmahaš.

Virgehálddašeaddji almmuhus virgegaskavuoda eretcealkimis ja bargi almmuhus bargogaskavuoda eretcealkimis almmuhit bálvalangaskavuoda váldimis mearrádusa dahkan virgeoapmahačča dihtui.

52 § Massán dietnasiid buhtten

Virgehálddašeaddjái gielddaid virgehálddašeaddjilága 45 §:a vuodul máksojuvnon buhtadusas mearrida ág. doaibmasuorggi áššemeannudeaddji.

53 § Báلكká ruovttoluottabearran

Dárbbasmeahttumit máksojuvnon báلكká dahje eará virgegaskavuodas čuovvu ruđalaš ovddu ruovttoluottabearramis mearrida ág. doaibmasuorggi doaibmaorgána áššemeannudeaddji.

7. Áššegirjehálddahusa ordnen

54 § Gielddaráđdehusa áššegirjehálddahusa barggut

Gielddaráđdehus vástida das, ahte áššegirjehálddahusa rávvagat, geavadagat, vásttut ja gohcin lea meroštallojuvvon gieldda eará bargguin sihke

- ovddasvástida buorre diehtohálddašanvuogis ja buorre buriid heaggadieđuid gieđahallama ollašuhttimis
- mearrida gieldda áššegirjehálddahusa stivrejeaddji virgehálddašeaddji dahje doaibmaolbmo
- addá dárkkat mearrádusaid áššegirjehálddahusa dikšumis ja áššegirjehálddahusa stivrejeaddji virgehálddašeaddji/doaibmaolbmo, doaibmasurggiid sihke doaibmasurggiid áššegirjehálddahusas vástideaddji olbmuid bargguin
- mearrida diehtostivrenplána (TOS, eAMS, AMS) almmolaš vuođđojurdagiin (sisdoallu, ráhkadeami vásttut, nannen geavahussii, bearráigeahččan ja čuovvun)
- namaha gieldda arkiivvaráhkadeaddjit ja registaradoallit, jos hálddahusnjuolggadusas ii leat mearriduvvon registaradoalli.

55 § Áššegirjehálddahusa njunuš virgehálddašeaddji / doaibmaolbmo barggut

Áššegirjehálddahusa stivrejeaddji virgehálddašeaddji/doaibmaolmmoš stivre gielddaráđdehusa vuollásažžan áššegirjehálddahusa ja vástida gieldda bissovaččat vurkejuvvon áššegirjedieđuin sihke

- ovddasvástida gielddaráđdehusa áššegirjehálddahusa virgeoapmahašbargguid válmmaštallamis ja ollašuhttimis
 - stivre ja ovddida áššegirjehálddahusa oassin gieldda dieđuhálddašeami
 - dohkkeha gieldda diehtostivrenplána
 - ovddasvástida guovddášarkiivvas ja áššegirjiiin, mat vurkejuvvojit bissovaččat
- ráhkada gieldda áššegirjehálddahusa rávvaga ja bearráigeahččá, ahte barggut dikšojuvvojit rávvagiid mielde
 - fuolaha áššegirjehálddahussii laktáseaddji skuvlemis ja rávvemis.

56 § Lávdegotti / doaibmasuorggi áššegirjehálddahusa barggut

Lávdegoddi/doaibmasuorgi fuolaha iežas doaibmasuorggi áššegirjedieđuid dikšumis addojuvvon mearrádusaid ja rávvagiid mielde sihke namaha áššegirjehálddahusa vástuolbmo iežas doaibmasuorggis.

7 A Gielalaš vuoigatvuodát

57 § Ássiid ja bálvalusaid geavaheaddjiid gielalaš vuoigatvuodát gieldda hálddahas

Sámi giellalága ulbmilin lea dáfustis dorvvastit vuođđolágas dorvvastuvvon sápmelaččaid vuoigatvuoda doalahit ja ovddidit iežaset giela ja kultuvrra. Sámi giellaláhka heivehuvvo ollásit Ohcejoga gieldda doaibmaorgánii sihke dakkár gieldaovttastumiid doaibmaorgánaide, gos Ohcejoga gieldda lea lahttun.

Ohcejoga gielddas sámegeielagiid ossodat lea stuorát go 1/3, ja gieldda hálddahas ja doaimmaid ordnemis sihke gulahallamis galgá váldit vuhtii sáme- ja suomagielat ássiid ja bálvalusaid geavaheaddjiid gielalaš vuoigatvuodaid. Gieldda bálvalusaid galgá ordnet nu, ahte ássiid ja bálvalusaid geavaheaddjiid nákke bálvalit sin iežaset gillii, sáme- dahje suomagillii, gieldda bargosurggiin.

Gieldda ássis lea vuoigatvuodta geavahit sámegeiela gieldda fállan bálvalusain, ja jos virgebargi dahje bargi ii máhte sámegeiela, de galgá son fuolahit dulkomis áššehasa gielalaš vuoigatvuodaid ollašuttima várás.

Sámegeiela bidjamis virggi dahje doaimma dohkálašvuođagáibádussan mearriduvvo sámi giellalágas. Sámegeiela dáidu gehččojuvvo álo earenoamáš ovdun, vaikke dat ii leat biddjon virggi, doaimma dahje barggu dohkálašvuođagáibádussan.

Doaibmaorgánaid čoahkkinbovdehusa, evttohuslisttu ja beavdegirjji ráhkadeamis sihke gulahallamis ja gieldda ássiide oaivilduvvon dieđiheamis sáme- ja suomagillii mearriduvvo sámi giellalágas.

58 § Gielalaš vuoigatvuodát gieldda doaibmamis

Gieldda doaibmamis galgá doarvái bures dorvvastit lágas ásahuvvon gielalaš vuoigatvuodaid ollašuvvama.

Ordnedettiin bálvalusaid oastobálvalussan galgá soahpamuššii váldin mearrádusaiguin sihkkarastit, ahte bálvalusa geavaheaddjiid giellalágas čuovvu gielalaš vuoigatvuodát ollašuvvet seamma láchkai go dat galget ollašuvvat gielddas.

59 § Gielalaš vuoigatvuodaid ollašuvvama čuovvun ja raportereren

Gielddaráđdehus ja lávdegottit čuvvot doaibmasuorggisteaset gielalaš vuoigatvuodaid ollašuvvama. Lávdegottit raporterejit jahkásaččat čuovvuma bohtosiin gielddaráđdehussii. Gielddaráđdehus raportere váldostivrii. Gielddaráđdehus addá dárkilut rávvagiid raporteremis.

II oassi

Ruhtadoallu ja cohcin

8. Ruhtadoallu

60 § Bušeahtaárvalus ja ekonomiiplána

Gielddaráđdehus dohkkeha plánerámaid ja bušeahtaárvalusa ráhkadanrávvagiid.

Doaibmaorgánat ráhkadit iežaset bušeahtaárvalusa.

Váldostivra dohkkeha bušeahtaárvalusas doaibmaorgánii čadni bargoguovdasaš doaimmaid ja ruhtadoalu ulbmiliid sihke daidda dárbbášlaš mearreruđaid ja boahto- árvalusaid sihke gielldakonsearna doaimmaid ja ruhtadoalli ulbmiliid. Mearreruđa ja boahtoárvalusa sáhttá váldit bušeahtaárvalussii brutto- dahje nettomearrásažžan.

61 § Bušeahta ollašuttin

Gielddaráđdehus ja lávdegottit dohkkehit bušeahtaárvalussii vuodđuduvvi geavahanplánaset. Geavahanplána sáhttá čohkiidit maiddá soahpamuštivrenmállii laktáseaddji soahpamušain.

Gielddaráđdehus dohkkeha bušeahta ollašuttinrávvagiid váldostivrra bušeahta- gieđahallama maŋŋá.

62 § Doaibmama ja ruhtadoalu čuovvun

Doaibmama ja ruhtadoalu ollašuvvamis raporterejuvvo doaibmaorgánaide bušeahta dohkkeheami oktavuodas merrojuvvon láchkai.

63 § Bušeahtaárvalusa čadnivuohhta

Bušeahtas mearadettiin váldostivra meroštallá, mat leat doaimmaid ulbmilat, maid váldostivra dohkkeha čadnin. Váldostivra addá bušeahtaárvalusa čuovvumii guoski mearrádusaid, man láchkai bušeahtaárvalus ja dan vuodustallamat čatnet gieldda virgeoapmahaččaid.

Gielddaráđdehus sáhttá mearridit dakkár mávssu máksimis, mii lea gieldda čadni ja man galgá hohpolaččat máksit, vaikke dan várás ii leat mearreruhta geavaheamis. Gielddaráđdehus galgá dalánaga dahkat váldostivrii evttohusa mearreruđa miediheamis dahje bajideamis.

64 § Bušeahta nuppástusat

Nuppástusaid, mat dahkkojit bušehttii, galgá buktit ovdan váldostivrii nu, ahte váldostivra geargá gieđahallat nuppástusevttohusaid bušeahttajagi áigge. Bušeahttajagi maŋŋá bušeahta nuppástusaid sáhttá gieđahallat dušše sierradáhpáhusain. Rehketoalloloahpahusa vuolláičállima maŋŋá váldostivrii ii sáhte šat dahkat bušeahta nuppástusevttohusa.

Mearreruđa nuppástusevttohusas galgá čielggadit maiddá nuppástusa váikkuhusea doaibmama ulbmiliidda ja boahtoárvalusaide. Seamma maiddá doaibmama ulbmiliid dahje bušeahta nuppástusevttohusas galgá čielggadit nuppástusa váikkuhusaid mearreruđaide.

Váldostivra mearrida doaibmaorgánaide mearreruđaid ja ulbmiliid nuppástusain, go organisašuvdna nuppástuhttojuvvo bušeahttajagi áigge.

65 § Opmodaga luohpadeapmi ja láigoheapmi

Gieldda opmodaga luohpadeamis ja láigoheamis mearrida gielddaráđdehus váldostivrra dohkkehan vuđđosiid mielde. Gielddaráđdehus sáhtá sirdit iežas doaibmaválddi eará doaibmaorgánaide ja virgehálddašeaddjiide.

66 § Sihkkuplána dohkkeheapmi

Váldostivra dohkkeha plánejuvvon sihkkumiid vuđđosiid.

Gielddaráđdehus nanne sihkkunrehkega vuodđun smávvaskáhpponrájá.

67 § Ruhtadoaimma dikšun

Gieldda ruhtadoaimma barggut leat máksingearggusvuoda doalaheapmi, máksojhtolaga dikšun, loatnaruhtadeapmi ja ruhtaváriid investeren.

Váldostivra mearrida gieldda oppalašváriid dikšuma ja investerendoaimmaid vuđđosiin. Váldostivra mearrida loana váldima ja loana addima vuodđojurdagiin. bušeahttaárvalusa dohkkeheami oktavuodas váldostivra mearrida olggoslonemiid ja vieris oaiveopmodaga nuppástusain.

Gielddaráđdehus mearrida loana váldimis ja loana addimis čuovvumiin váldostivrra dohkkehan vuodđojurdagiid. Gielddaráđdehus sáhtá sirdit loana váldimii ja addimii laktáseaddji doaibmaválddis iežas vuollásaš virgeoapmahažžii.

Muđuid gieldda ruhtadoaimmas vástida gielddaráđdehus.

Ruhtadoaimma geavada dikšumis vástida ruhtadoaimmas vástideaddji virgehálddašeaddji.

68 § Mávssuin mearrideapmi

Váldostivra mearrida gieldda bálvalusain ja eará bargguin bearran láchkai mávssuid oktasaš vuđđosiin.

Gielddaráđdehus mearrida dárkilabbot mávssuid vuđđosiin ja euomeriin. Gielddaráđdehus sáhtá sirdit mávssuin mearrideapmái laktáseaddji doaibmaválddis iežas vuloš virgeoapmahažžii.

69 § Áššegirjjiid addimis bearran mávssut

Beavdegirjeváldosis, kopiijas dahje eará printemis berrojuvvo máksu guđege siiddus.

Jos dieđu ovdan ohcan gáibida sierradoaimbajuid, de dieđuohcamis berrojuvvo muhttašuvakehtes vuodđomáksu, mii ceahkkálastojuvvo ohcama dárbbášan barggu mielde. Kopiijas ja čáláhusas berrojuvvo dalle muhttašuvakehtes vuodđomávssu lassin siidogovdasas máksu.

Gielddaráđdehus mearrida dárkilabbot áššegirjjiid addimis bearran mávssuid vuđđosiin ja euomeriin.

9. Olggaldas gohcin

70 § Olggaldas ja siskkáldas gohcin

Gieldda hálddahusa ja ruhtadoalu gohcin ordnejuvvo dan láchkai, ahte olggaldas ja siskkáldas gohcin ovttas dahket viiddis gohcinvuogádaga.

Olgguldas gohcin ordnejuvvo doaimbi hoavddain sorjjasmeahtumin. Olgguldas gohcimis vástidit dárkkistanlávdegoddi ja rehketoallodárkkisteaddjit.

Siskkáldas gohcin lea jođiheami oassi. Gielddaráđđehus vástida siskkáldas gohcima ordnemis.

71 § Dárkkistanlávdegotti čoahkkimat

Rehketdoallodárkkisteaddjis lea mieldeorrun- ja hállanvuoigatvuohta lávdegotti čoahkkimiin. Rehketdoallodárkkisteaddjis ja lávdegotti mearridan luohttámušolbmui ja virgehálddašeaddjiin lea mieldeorrungeatnegasvuohta lávdegotti čoahkkimis, jos lávdegoddi nu mearrida.

Gielddaráđđehus ii sáhte mearridit iežas ovddasteaddji dárkkistanlávdegotti čoahkkimii.

Dárkkistanlávdegotti mearrádusat dahkkojit almmá virgehálddašeaddji ovdanbuktima haga ságadoalli čilgehusa vuodul. Čoahkinmeannudeamis čuvvojit eará muđuid 15 logu mearrádusat.

72 § Dárkkistanlávdegotti barggut ja raportereren

Dan lassin mii gielдалága 121 §:s mearriduvvo, dárkkistanlávdegoddi galgá

- čuovvut rehketdoallodárkkisteaddji dárkkistanplána ollašuvvama sihke muđuige čuovvut rehketdoallodárkkisteaddji bargguid čađaheami ja dahkat dárbbu miel evttohusaid rehketdoallodárkkisteami ovddideapmin
- fuolahit, ahte rehketdoallodárkkisteami várás leat dárbbášlaš resurssat, mat dahket vejolažan čađahit rehketdoallodárkkisteami nu viidát, go almmolašhálddahusa buorre rehketdoallodárkkistanvuohki gáibida
- dahkat álgagiid ja evttohusaid dárkkistanlávdegotti, rehketdoallodárkkisteaddji ja siskkáldas dárkkisteami bargguid oktiiheiveheamis nu vuogálaččat go vejolaš.

Árvvoštallama bohtosat raporterejuvvojit jahkásaččat váldostivrii addin láchkai árvvoštallanmuitalusas. Ovdal árvvoštallanmuitalusa gárvvásmeami dárkkistanlávdegoddi sáhtttá addit váldostivrii čielggadusaid, maid geahččá dárbbášlažžan. Dárkkistanlávdegoddi sáhtttá raporteret rehketdoallobaji áigge váldostivrii maiddái eará mearkkašahhti fuomášemiid birra.

73 § Čatnagasvuođaalmuhusaide laktáseaddji barggut

Dárkkistanlávdegoddi gohcá gielдалága 84 §:s oaivvilduvvon čatnagasvuođaid almmuhangeatnegasvuođa čuovvuma ja fuolaha čatnagasvuođaregistera almmolaš dieđuid almmuheamis gieldda fierbmesiidduin.

Dárkkistanlávdegoddi lea čatnagasvuođaregistera registeradoalli.

Dárkkistanlávdegoddi galgá bidjat čatnagasvuođaalmuhusaide váldostivrii diehtun oktii jagis.

74 § Rehketdoallodárkkistanservoša välljen

Rehketdoallodárkkistansearvvuš välljejuvvo guhkimustá guđa rehketdoallobaji hálldahusa ja ruhtadoalu dárkkisteami várás.

75 § Rehketdoallodárkkisteaddji barggut

Rehketdoallodárkkisteaddji bargguin mearriduvvo gielдалága 123 §:s.

76 § Dárkkistanlávdegotti addin barggut

Rehketdoalodárkkisteaddji sáhtá váldit dárkkistanlávdegottis bargogohččosiid lávdegotti gieđahallanvuloš áššiid válmmaštallamii ja ollašuttimii laktáseaddji bargguid čađaheamis, juos dat eai leat ruossalasvuodas almmolašhálldahusa buriin rehketdoalodárkkistemiin.

77 § Rehketdoalodárkkistanmuitalus ja eará raporteren

Rehketdoalodárkkistanmuitalusas mearriduvvo gieldalága 125 §:s.

Rehketdoalodárkkisteaddji almmuha čielga dohkkeameahttunvuodain, maid fuomáša, dalánaga gielddaráđdehussii addin láchkai rehketdoalodárkkistanbeavdegirjjis.

Rehketdoalodárkkistanbeavdegirji addojuvvo diehtun dárkkistanlávdegoddái.

Rehketdoalodárkkisteaddji raportere dárkkistanplána ollašuvvamis ja dárkkistanfuomášumiid birra dan láchkai go dárkkistanlávdegoddi lea mearridan.

10. Siskkáldas gohcin ja riskkaidhálldašeami

78 § Gielddaráđdehusa siskkáldas gohcima ja riskkaidhálldašeami barggut

Gielddaráđdehus vástida oppalaš siskkáldas gohcima ja riskkaidhálldašeami ordnemis, sihke

- dohkkeha siskkáldas gohcimii ja riskkaidhálldašeapmái guoski rávvagiid ja manahallanvugiid
- gohcá, ahte siskkáldas gohcin ja riskkaidhálldašeapmi ollašuttojuvvo rávvagiid mielde ja boađuslaččat
- addá doaibmačilgehusas dieđuid siskkáldas gohcima ja riskkaidhálldašeami ordnemis ja deatamos jurddabohtosiin sihke čielggadusa konsearnagohcimis ja mearkkašahtti riskkain ja eahpesihkkarvuodá dahkkiin.
- vástida siskkáldas gohcima ordnemis ja oktii heiveheamis dan láchkai ahte gieldda doaimmaid lágalašvuolta ja boađusvuolta sihkkarastojit
- dohkkeha siskkáldas dárkkisteami plána, man vuodul árvvoštallojuvvo riskkaidhálldašan-, gohcin-, jođihan- ja hálldahusproseassaid boađusvuolta
 - vástida riskkaidhálldašeami ordnemis dan láchkai, ahte gieldda doaimmaid čielga riskkat fuomášuvvojit ja govviduvvojit, riskka ollašuvvama váikkuhusat, ollašuvvama vuordda ja vejolašvuodát hálldašit riskka árvvoštallojit
 - válmmaštallá gielddaráđdehussii siskkáldas gohcimii ja riskkaidhálldašeapmái guoski oasi doaibmačilgehussii.

79 § Lávdegotti ja stivrra siskkáldas gohcima ja riskkaidhálldašeami barggut

Lávdegoddi ja stivra vástidit doaibmasuorggisteaset siskkáldas gohcima ja riskkaidhálldašeami ordnemis, ollašuttima gohcimis ja boađusvuodas sihke raporterejit gielddaráđdehussii siskkáldas gohcima ja riskkaidhálldašeami ordnemis ja deatamos jurddabohtosiin.

80 § Virgehálddašeaddjiid ja ovdaolbmuid siskkáldas gohcima ja riskkaidhálddašeami

Gielddahoavda sihke doaibmasurggiid ja boađussurggiid njunuš virgehálddašeaddjit vástidit siskkáldas gohcima ja riskkaidhálddašeami ollašuhttimis ja boađusvuodas doaibmasuorggisteaset ja boađussuorggisteaset, rávvejit iežaset vuloš doaibmaossodagaid sihke raporterejit gielddaráđdehusa addin rávvagiid mielde.

Doaibmaovttadagaid ovdaolbmot vástidit ovttadaga riskkaid fuomáseamis, árvvoštallamis, riskkaidhálddašeami doaibmabijuid ollašuhttimis ja doaibmivuodas sihke raporterejit gielddaráđdehusa addin rávvagiid mielde.

Konsearnastivra vástida konsearnaservošiid jodiheamis sihke servošiid siskkáldas gohcima ja riskkaidhálddašeami ordnema ja boađusvuoda gohcimis.

81 § Siskkáldas dárkkisteami barggut

Siskkáldas dárkkisteapmi árvvoštallá objektiivvalaččat ja sorjjasmeahttumit siskkáldas gohcima, riskkaidhálddašeami ja konsearnagohcima ordnema ja boađusvuoda, raportere árvvoštallama bohtosiin sihke evttoha doaibmabidjo- evttohusaid vuogádaga ovddideapmin. Siskkáldas dárkkisteapmi raportere gielddaráđdehussii, siskkáldas gohcima ja riskkaidhálddašeami juhkosii ja gielddahovdii.

Siskkáldas dárkkisteami doaibmama dárkkuhus, barggut ja ovddasvástádusat meroštallojit gielddaráđdehusa dohkkehan siskkáldas dárkkisteami doaibmanrávvagis.

III oassi Stivra

11. Váldostivrra doaibman

82 § Váldostivrra doaibmama ordnedeamit

Váldostivrra doaibmabaji vuosttas čoahkkima bovde čoahkkái giieldaráđđehusa ságadoalli. Čoahkkimarahpá agi beales boarrásamos báikki alde leahkki váldostivrra áirras, gii jođiha sága, dassáži go váldostivrra ságadoalli ja várreságadoallit leat välljejuvvon.

Ságadoallit välljejuvvojit váldostivrra doaibmabadjái.

Váldostivrras leat 2várreságadoalli.

Váldostivrra doaibmama siskkáldas ordnedeapmái guoski áššiid válmmaštallama jođiha váldostivrra ságadoalli, jos váldostivra ii nuppe láchkai mearrit.

Váldostivrra čoahkkimiid beavdegirjedoaillin ja váldostivrra čállin doaibmá váldostivrra mearridan virgehálddašeadji.

83 § Váldostivrajoavkku čohkken ja váldostivrajoavkku namma

Váldostivrra áirasatsáhttet čohkket váldostivrajoavkkuid váldostivrabarggu várte.

Váldostivrajoavkku čohkkemis, namas ja ságadoallis galgá addit váldostivrra ságadoallái čálalaš almmuhusa. Buohkaid jovkui searvi váldostivraáirasat galget vuolláičállit almmuhusa.

Váldostivrajoavkun adnojuvvo maiddá okta váldostivraáirras, jos son lea dahkan 2 momeanttas dárkkuhuvvon almmuhusa.

Váldostivra dohkkeha váldostivrajoavkkuid namaid. Namma ii oaččo leat heivetmeahtun. Bellodaga váldostivrajoavkkus earránan váldostivraáirasiid dahkan ođđa váldostivrajoavkku namas ii oaččo šaddat seahkananvárta bellodaga váldostivrajoavkku nammii.

84 § Nuppástusat váldostivrajoavkku čoahkus

Váldostivraáirras galgá almmuhit čálalaččat váldostivrra ságadoallái váldostivrajoavkku searvamis ja das earráneamis. Searvanalmmuhusas galgá leat áššáigullelaš joavkku čálalaš dohkkeheapmi.

Jos váldostivraáirras lea earuhuvvon váldostivrajoavkkus, deváldostivrajoavkku galgá almmuhit das čálalaččat váldostivrra ságadoallái.

85 § Čohkkánortnet

Váldostivraáirasat čohkkájit čoahkkimis váldostivrajoavkkuid miel ságadoalli dohkkehan čohkkánortnega mielde.

12. Váldostivrra čoaččimat

86 § Váldostivrra fásta čoaččkin ja elektrovnnalaš čoaččkin

Váldostivra sáhtá gieđahallat ášši fásta čoaččkimisttis, mas čoaččkimii oassálastit leat báikki alde čoaččkinbáikkis. Fásta čoaččkimis sáhtá geavahit elektrovnnalaš áššehálddašan- dahje jienastanvuogádaga.

Molssaektosaččat čoaččkima sáhtá doallat elektrovnnalaš doaibmanbirrasis, masa oassálastojuvvo elektrovnnalaš oktavuodain (elektrovnnalaš čoaččkin). Álbmogii galgá ordnet vejolašvuoda čuovvut váldostivrra elektrovnnalaš čoaččkima internehta bokte sihke čoaččkinbovdehusas máinnašuvvon sajis.

Váldostivrra gokčojuvvon elektrovnnalaš čoaččkimii sáhtá oassálastit dušše dakkár báikkis, gos čiegusin doallama vuloš dieđuid ja čoaččkimis gevojuvvon háleštemiid eai olggobeale olbmot gula dahje oainne.

Gielddaráđdehus dahje dan nammadan virgehálddašeaddji vástida das, ahteelektrovnnalaš čoaččkimiidda dárbbášlaš teknihkalaš rusttegat, vuogádagat ja diehtojhtinoktavuođat leat áiggi dásis ja diehtodorvvolačča dan láhkai go lágain lea biddjon eaktun.

87 § Čoaččkinbovdehus

Čoaččkinbovdehusa addá váldostivrra ságadoalli dahje goas sus lea eastta, de várreságadoalli. Čoaččkinbovdehusas galgá almmuhit čoaččkima áiggi ja báikki sihke gieđahallama vuloš áššiid.

Čoaččkinbovdehusas galgá máinnašit, jos gažaldagas lea elektrovnnalaš čoaččkin ja almmuhit fierbmečujuhusa sihke saji, gos guldaleaddjit sáhttet čuovvut čoaččkima. Čoaččkinbovdehusas galgá máinnašit jos oassi čoaččkináššiid gieđahallojuvvo gokčojuvvon čoaččkimis.

Čoaččkinbovdehusa galgá sáddet uhcimustá 7 beaivvi ovdal váldostivrra čoaččkima guhtiige váldostivraáirasii sihke daidda, geain lea čoaččkimis mieldeorrunvuoigat- vuolta dahje - geatnegasvuolta. Seamma áiggis galgá čoaččkimis addit dieđu gieldda fierbmesiidduin.

88 § Evttohuslistá

Evttohuslistá, mii sisttisdoallá čilgehusa gieđahallama vuloš áššiin ja -evttohusat váldostivrra mearrádussan, sáddejuvvo čoaččkinbovdehusa oktavuodas, jos eai earenoamáš sivatleasteattan. Jos evttohuslistás, čuvvosiin dahje lassemateriálas leat čiegusin doallama vuloš dieđut, de áššegirjái dahkkojuvvo merkejupmi čiegusin doallamis.

Váldostivra mearrida, man galle várreáirasii evttohuslistá doaimmahuvvo.

89 § Elektrovnnalaš čoaččkinbovdehus

Čoaččkinbovdehus, evttohuslistá, čuvvosat ja lassemateriála sáhtá sáddet elektrovnnalaččat. Dalle gielddaráđdehus dahje dan nammadan virgehálddašeaddji vástida das, ahte das dárbbášlaš teknihkalaš rusttegat, vuogádagat jaidiehtojhtolatoktavuođat leat geavaheamis

90 § Evttohuslistá ja čuvvosiid almmustahttin gieldda fierbmesiidduin

Evttohuslistá almmustahttojuvvo gieldda fierbmesiidduin. Ovdal almmustahttima evttohuslistás sihkkovvojit čiegusin doallama vuloš dieđut sihke persovdnadieđut, maidda ii laktás dieđihanintreassa. Earenoamáš sivas fierpmis almmustuhttin evttohuslistás sáhtá sihkkut ovttat čoaččkinášši. Evttohuslistá čuvvosat almmustuhttojit gieldda fierbmesiidduin guorahallama mielde váldimiin vuhtii gieldda ássiid dieđuoazžunintreassat.

91 § Joatkkačoahkkin

Jos buot čoahkkinbovdehusas máinnašuvvon áššiid ii geargga čoahkkimis gieđahallat, de gieđahalakeahttá báhcán áššiid sáhtta sirdit joatkkačoahkkimii, masa ii dárbbas addit sierra bovdehusa. čoahkkimis eret leamaš áirasiidda sáddejuvvo elektrovnnalaš sáttá joatkkačoahkkima áiggis ja báikkis.

92 § Várreáirasa bovdn

Váldostivraáirras, gii ii beasa čoahkkimii dahje lea easttalaš gieđahallat evttohuslisttás leahkki ášši, galgá ájahalakeahttá almmuhit eastagis dahje easttalašvuođas váldostivrra ságadoallái dahje čállái.

Go lea ožžon váldostivraáirasis dahje muđuid luohtehahtti láchkai dieđu eastagis dahje easttalašvuođas, ságadoalli dahječállli galgá bovdet váldostivraáirasa sadjái gielдалága 17 § 1 momeanttas dárkkuhuvvon várreáirasa. Várreáirasat bovdejuvvojit čoahkkimii čuovvumiin sin sadjái boahтинortnega.

93 § Mieldeorrun čoahkkimis

Gielddaráđdehusa ságadoalli ja gielddahoavda galgaba leat mielde váldostivrra čoahkkimis. Sudno eretorrun ii eastte áššiid gieđahallama. Gielddaráđdehusa lahtuin lea mieldeorrunvuoigatvuohta.

Ovddabeal máinnašuvvon olbmoss lea vuoigatvuohta váldit oasi ságastallamii, muhto ii mearrádusa dahkamii, jos son ii leat seammás váldostivrra áirras.

Nuoraidráđdi sáhtta namahit váldostivrra čoahkkimii iežas ovddasteaddji, geas lea mieldeorrun- ja hállanvuoigatvuohta. Nuoraidráđi ovddasteaddjis ii liikkáge leat mieldeorrunvuoigatvuohta váldostivrra gokčojuvvon čoahkkimis.

Váldostivra mearrida earáid olbmuid mieldeorrun- ja hállanvuoigatvuođas.

94 § Čoahkkima lágalašvuohta ja mearridanváldi

Mielde orru váldostivraáirasat ja várreáirasat gávnnavuvvojit elektrovnnalaččat dahje nammačuorvumiin, mii doaimmahuvvo alfabetortnegis.

Go lea gávnahan mielde orru áirasiid, ságadoalli gávnaha eastaga almmuhan áirasiid ja mielde orru várreáirasiid sihke leago čoahkkin lágalaččat čoahkkái bovdejuvvon ja mearridanválddalaš.

Nammačuorvuma maŋŋá boahtti áirras galgá almmuhit iežas dalánaga ságadoallái. Eret vuolgimis gaskan čoahkkima galgá almmuhit ságadoallái.

Go várreáirras oassálastá čoahkkimii ja áššáigullelaš válgalihtu, bellodaga dahje oktasašlisttu áirras boahta gaskan čoahkkima, de boahta áirras dalánaga várreáirasa sadjái.

Ságadoalli sáhtta čoahkkima bisttedettiin dahje čoahkkinbottu nohkama maŋŋádárbbu mielde gávnahit ođđasit mieldeorruid.

Jos ságadoalli gávnaha váldostivrra manahan mearridanválddi, de son galgá gaskkalduhttit dahje loahpahit čoahkkima

95 § Čoahkkima jođiheapmi

Ságadoalli bargguin čoahkkima jođiheamis mearriduvvo gielдалága 102 §:s.

96 § Ságajođiheami luohpadeapmi várreságadoallái

Ságadoalli sáhhtá dárbbu mielde váldostivrra miehtama vuodul luohpadit ságajođiheami čoaččimis várreságadoallái ja oassálastit dan áiggi čoaččimii lahttun.

97 § Gaskaboddosaš ságadoalli

Jos sihke ságadoalli ja várreságadoallit leat eret dahje easttalačča man nu áššis, de välljejuvvo čoaččima dahje ášši gieđahallama várás gaskaboddosaš ságadoalli.

98 § Easttalašvuohta

Ovdal ášši gieđahallama álggaheami easttalaš olmmoš galgá almmuhit easttalašvuođastis ja man vuodul lea easttalaš sihke geassádit ášši gieđahallamis ja vuolgit sajstis eret. Jos ášši gieđahallojuvvo gokčojuvvon čoaččimis, de easttalaš olmmoš galgá mannat eret čoaččimis.

Ságadoalli galgá dárbbu mielde bidjat čoaččimii oassálasti easttalašvuođa váldostivrra čoavdima vuollái. Áššáigullelaš olmmoš galgá dárbbasettiin addit čilgehusa áššiin, main sáhhtá leat mearkkašupmi su easttalašvuođa árvoštallamis. Go lea addán bivdojuvvon čilgehusa áššáigullelaš olmmoš galgá vuolgit eret sajstis.

Olmmoš, gean easttalašvuođa váldostivra čoavdá, oazžu oassálastit easttalašvuohtasis guoski ášši gieđahallamii dušše hálddahuslága 29 §:s dárkkuhuvvon spiehkastatdilis. Easttalašvuhtii guoski čovdosa galgá vuodustallat beavdegirjái.

99 § Áššiid gieđadallanortnet

Áššit gieđahallojit evttohuslisttu čuovvu ortnegis, jos váldostivra ii nuppe láhkai mearrit.

Gielddaráđdehusa evttohus lea gieđahallama vuodđun (vuodđoevttohus). Jos ášši lea válmmaštallan dárkkistanlávdegoddi dahje gaskaboddosaš váljagoddi, de dárkkistan- lávdegotti dahje gaskaboddosaš váljagotti evttohus lea vuodđoevttohus.

Jos gielddaráđdehus, dárkkistanlávdegoddi dahje gaskaboddosaš váljagoddi lea rievdadan evttohuslisttás leahkki evttohusas ovdal go váldostivra lea dahkan mearrádusa áššis, de rievdaduvvon evttohus lea vuodđoevttohus. Jos evttohus lea šluhttejuvvon ovdal go váldostivra lea dahkan mearrádusa áššis, de ášši galgá geassit eret evttohuslisttás.

100 § Sáhkavuorut

Go ášši lea ovdanbuktojuvvon, de galgá várret dilálašvuođa háleštit das.

Sáhkavuoru galgá bivdit elektrovnnalaččat/čielgasit nu, ahte fuomášuvvo dahje doaimmahemiin ságadoallái čálalaš sáhkavuorrobivdaga.

Sáhkavuorut addojit bivdojuvvon ortnegis. Dán ortnegis spiehkastemiin ságadoalli sáhhtá addit:

- ášši gieđahallama álggus joavkosáhkavuoru guđege váldostivrajoavkku ovddasteaddjái joavkkuid sturrodaga čuovvu ortnegis
 - sáhkavuoru gielddaráđdehusa ságadoallái, gielddahovdii sihke dárkkistanlávdegotti ja gaskaboddosaš váljagotti ságadoallái, go gieđahallojuvvo gažaldatvuloš doaimmaorgána válmmaštallan ášši
 - replihka- jaguottihansáhkavuoru. Áššigieđahallanortnegii guoski bargoortnetsáhkavuoru galgáadditovdal earáid

Čoahkkima jođu dorvvasteami várás ságadoallis lea vuoigatvuohta ovttat áššis ráddjet váldostivraáirasiid sáhkavuoruid guhkkodaga dan láhkai, ahte joavkosáhkavuorru sáhtta bistit 10 minuhta ja eará sáhkavuorru 5 minuhta.

Čoahkkinbáikkis sáhkavuoru galgá doallat iežas sajis dahje sárdnealádusas.

101 § Manjideapmi ja ášši máhcaheapmi válmmaštallamii

Jos hálešteami áigge dahkkojuvvo guottihuvvon evttohus ášši manjideamis, máhcaheamis válmmaštallamii dahje juoga eará evttohus, man dohkkeheapmi gaskkalduhtášii ášši gieđahallama, de čuovvovaš hállit galget ságadoalli ávžžuhusa vuodul ráddjet sáhkavuoruset guoskat dušše dán evttohusa. Jos evttohus dohkkehuvvo ovttamielalaččat dahje jienastemiin, de ságadoalli gaskkalduhtta ášši gieđahallama. Jos evttohus hilgojuvvo, de ášši gieđahallan joatkašuvvá.

Ášši, mii gieđahalloyuvvo vuosttas geardde váldostivrras iige evttohuslistá leat doaimmahuvvon čoahkkinbovdehusa oktavuodas, manjiduvo čuovvovaš čoahkkimii, jos uhcimustá njealjátoassi báikki alde leahkki váldostivraáirasiin bivdá manjedit ášši. Eará dáhpáhusain ášši manjideamis mearriduvvo eanetlohkomearrádusain.

102 § Evttohusat ja hálešteami loahpaheapmi

Evttohusa galgá addit čálalažžan, jos ságadoalli nu gáibida.

Go buot sáhkavuorut leat geavahuvvon, de ságadoalli loahpaha hálešteami. Ságadoalli čilge hálešteami áigge dahkkon evttohusaid birra ja leago evttohus guottihuvvon.

103 § Almmá jienasteami haga šaddi mearrádusa gávnaheapmi

Jos hálešteami áigge eai leat dahkkon guottihuvvon evttohusat, de ságadoalli gávnnaha vuodđoevttohusa váldostivrra mearrádussan.

Jos ságadoalli gávnnaha váldostivrra ovttamielalaččat guottihit čoahkkimis dahkkon evttohusa, de ságadoalli gávnnaha evttohusa váldostivrra mearrádussan.

104 § Jienasteapmái váldin evttohusat

Jienasteapmái váldojit vuodđoevttohus ja guottihuvvon evttohusat. Evttohusa, mii lea dahkkon molssaektosažžan dahje manná gieđahallama vuloš ášši olggobeallái, ii goittotge váldojuvvo jienasteapmái.

Jos evttohusa dahkki ii leat báikki alde jienasteami álggediin, de su dahkan evttohus gehččojuvvo leat fámohuvvan iige dat váldojuvvo jienasteapmái.

105 § Jienastanvuohki ja jienastanortnet

Jienasteapmi doaimmahuvvo elektrovnnalaččat/jienastanmašiinnain/ nammačuorvumiin dahje váldostivrra mearridan eará láhkai. Jienasteapmi doaimmahuvvo rahpsit.

Jos jienasteapmái váldin evttohusat leat eanet go guokte, de ságadoalli evttoha váldostivrra dohkkeheapmái jienastanortnega. Jienastanortnet mearrašuvvá čuovvovaš vuodđojurdagiid mielde: Vuos váldojuvvo jienasteapmái guokte eanemus vuodđoevttohusa ektui spiehkaseaddji evttohusa. Vuoitán evttohus biddjo evttohusain, mat leat vel, eanemus vuodđoevttohusa ektui spiehkaseaddji evttohusa vuostá. Ná jotkojuvvo, dassái go fidnejuvvo loahpalaš vuosteevttohus vuodđoevttohusii. Goittotge jos jienasteapmái galgá váldit vuodđoevttohusa ollásit hilguma dárkkuheaddji evttohus, de dat galgá biddjot manjimužžan jienasteami vuollái eará evttohusain vuoitán evttohusa vuostá.

Gielddaráđđehus 28.11.2022 § 195 • Váldostivra 15.12.2022 § 64

Jos ášši guoská mearreruđa mieđiheami, de váldojuvvo vuos jienasteapmái meari beales stuorámus evttohusa dohkkeheapmi dahje hilgun ja ná jotkojuvvo evttohusaid sturrodaga čuoovu ortnegis, dassái go muhtun evttohus dohkkehuvvo, man maŋŋá unnimus evttohusain ii šat jienastuvvo.

Jos evttohusa dohkkeheapmi dahje hilgun lea sorjjasmeahtun eará evttohusain, de dan dohkkeheamis dahje hilgumis galgá jienastit sierra.

106 § Jienasteami bohtosa gávvaheapmi

Ságadoalli gávnnaha jienasteami vuodul šaddi mearrádusa.

Jos mearrádusa dahkamii dárbbášuvvo lága mielde mearreeanetlogu guottiheapmi dahje ovttamielalašvuhta, de ságadoalli galgá almmuhit das ovdal jienasteami doaimmaheami ja váldit dan vuhtii jienasteami bohtosa gávnnaheittiin.

107 § Doaimbaidjoálgga

Go lea dahkan gieđahallama vuloš áššis mearrádusa, váldostivra sáhtá dohkkehit gieđahallon áššái laktáseaddji doaimbaidjoálgaga. Doaimbaidjoálgga čujuhuvvo gielddaráđđehussii. Dat ii oaččo leat ruossalasvuodas váldostivrra mearrádusain iige oaččo nuppástuhtit dahje viiddidit mearrádusa.

108 § Beavdegirjji ráhkadeapmi ja dárkkisteapmi

Váldostivrra beavdegirjái heivehuvvo dat, mii beavdegirjji ráhkadeamis mearriduvvo 148 §:s.

Váldostivra vállje juohke čoahkkimis guokte áirasa dárkkistit čoahkkimis ráhkaduvvon beavdegirjji dan buhta go beavdegirji ii dárkkistuvvo čoahkkimis.

109 § Mearrádusaid diehtunaddin gieldda olbmuide

Váldostivrra beavdegirji oktan dasa laktojuvvon váiddačuhusain dollojuvvo dárkkisteami maŋŋá albmosis gieldda fierbmessiidduin dan láhkai go gieldalága 140 §:s mearriduvvo.

13. Eanetlohkoválga ja gorálaš válga

110 § Válggaide guoski dábálaš mearrádusat

Várrelahtut válljejuvvojit seamma válggas go fásta lahtut. Jos várrelahtut leat persovdnaguovdasaččat, de fásta ja guhtege iežas várrelahtu dahkan evttohaspárat galget dohkkehuvvot ovdal válgga.

Eanetlohkoválga doaimmahuvvo gittalihpuiguin, jos oktage dan gáibida. Gorálaš válga doaimmahuvvo álo gitta lihpuiguin. Gittalihppojienasteamis jienasteaddji galgá máhcastit jienastanlihpo dan láhkai, ahte dan sisdoallu ii leat oidnosis.

Jienastanlihpus eai oaččo leat áššehis merkemat. Jienastanlihpot addojit váldostivrra ságadoallái ságadoalli mearridan ortnegis.

Jienastanlihpot sihke vuorbádeamis geavahuvvon lihpot galget seailuhuvvot válgamearrádusa lágafámolašvuoda rádjai. Jos válga lea doaimmahuvvon gittalihpuiguin, de lihpot galget seailuhuvvot gitta konfeluhta siste.

111 § Eanetlohkoválga

Eanetlohkoválgas jiena sáhtá addit geasa beare válgagelbbolaš evttohassii dahje evttohaspárrii. Jos válljemis leat eanet go okta, de doaibmaorgána lahtus lea geavaheamis seamma galle jiena go leat válljenláhkai olbmot dahje evttohaspárat. Ovtta evttohassii dahje evttohaspárrii sáhtá addit dušše ovtta jiena ja buot jienaid ii leat bággu geavahit.

Go eanetlohkoválga doaimmahuvvo gittalihpuiguin, de čoahkkima beavdegirje- dárkkisteaddjit doibmejit seammás jienaidrehkenastin ja veahkehit muđuige válgadoaimmahusas, jos váldostivra ii nuppe láhkai mearrit.

112 § Váldostivrra válgalávdegoddi

Váldostivra vállje doaibmabadjásis gorálaš válggaid doaimmaheami várás válgalávdegotti. Lávdegottis leat 5 lahtu ja sis guhtesge iežas várrelahttu.

Váldostivra vállje lahttun válljejuvvon olbmuin lávdegotti ságadoalli ja várreságadoalli.

Lávdegotti čállin doaibmá váldostivrra beavdegirjedoailli, jos váldostivra ii nuppe láhkai mearrit.

113 § Evttohuslisttáid ráhkadeapmi

Evttohuslisttás ožžot leat eanemustá nu galli evttohasa dahjeevttohaspáranamma go válggas leat válljema vuloš lahtut ja várrelahtut.

Evttohuslisttá bajilčállagis galgá máinnašit, man válggas dat geavhuvvo. Uhcimustá guokte váljastivraáirasa galget vuolláičállit evttohuslisttá. Vuosttas vuolláičállin doaibmá listtá áššeolmmožin, addá listtá váldostivrra ságadoallái ja lea vuoigadahtton dahkat dasa 118 §:s dárkkuhuvvon vuigemiid.

114 § Evttohuslisttáid guođđin ja válgadoaimmahusa nammačuorvun

Váldostivra mearrida áiggi, goas evttohuslisttát galget maŋimuš addot váldostivrra ságadoallái sihke goas válgadoaimmahusa nammačuorvun álggahuvvo.

115 § Evttohuslisttáid dárkkisteapmi ja vuigen

Go evttohuslisttuid addima mearreáigi lea nohkan, de váldostivrra ságadoalli addá evttohuslisttuid válgalávdegoddi, mii dárkkista, leatgo dat áššáigullevaččat ráhkaduvvon. Jos listtás gávnnavuvvojit feaillat, de addojuvvo áššeolbmui dilálašvuohta divvut feaillaid válgalávdegotti addin mearreáiggi siste.

Jos seamma olmmoš lea evttohuslisttá divvuma maŋŋáge evttohasan eanet go ovtta listtás, deválgalávdegoddi galgá, jos vejolaš, dihtoštallat evttohasas, man listái su namma guđđojuvvo.

116 § Evttohuslisttáid ovttahttin

Go evttohuslisttuid vuigemiid várte várrejuvvon mearreáigi nohká, de válgalávdegoddi ráhkada dohkkehuvvon evttohuslisttuid ovttahttima, masa merkejuvvo juohke evttohuslisttái ortnetnummir.

Ovdal válgadoaimmahusa nammačuorvuma álgima evttohuslisttáid ovttahttin addojuvvo váldostivrra áirasiidda diehtun ja lohkkujuvvo jitnosit váldostivrii.

117 § Gorálaš válgga doaimmaheapmi

Jienastanlihppui merkejuvvo dan evttohaslisttá nummir, masa jietna addojuvvo . Váldostivraáirasat addet nammačuorvuma mearriduvvon ortnegis váldostivrra ságadoallái jienastanlihpuset.

118 § Gorálaš válgga bohtosa gávnaheapmi

Váldostivrra ságadoalli addá jienastanlihpuid válgalávdegoddái, gii dutká daid gelbbolašvuoda sihke rehkenastá ja almmuha válgga bohtosa čuovvumiin heivvolaš osiid, mii gielдавálggain mearriduvvo.

Válgalávdegoddi addá válgga bohtosis čálalaš almmuhusa váldostivrra ságadoallái, gii gávnnaha válgga bohtosa váldostivrii.

14. Lohkuváldostivraáirasa álgga- ja jearranvuoigatvuohta

119 § Váldostivraáirasiid álgagat

Čoahkkinbovdehusas máinnašuvvon áššiid gieđahallama maŋŋá váldostivrajoavkkus ja váldostivraáirasis lea vuoigatvuohta dahkat čálalaš álgagiid gieldda doaimmami ja hálddahussii guoski áššiin. Álgga addojuvvo ságadoallái.

Álgaga galgá dan eanet gieđahalakeahtá sáddet gielddaráđdehussii válmmaštallama vuollái. Váldostivra sáhtámearridit, ahte álgagis dárkkuhuvvon ášši válmmaštallamis gevvojuvvo sáttaságastallan.

Gielddaráđdehus galgá jahkásaččat njukčamánu loahpa rádjai buktit ovdan váldostivrii logahallama váldostivraáirasiid dahkan ja gielddaráđdehussii sáddejuvvon álgagiin, maid váldostivra ii ovddit jagi loahpa rádjai leat loahpalaččat gieđahallan. Seammás galgá almmuhit, maid doaimbabiijuide daid geažil lea álgojuvvon. Váldostivra sáhtá gávnnahit, mat álgagiin leat gieđahallojuvvon lohppii.

120 § Gielddaráđdehussii čujuhan lánkai gažaldat

Uhcimustá njealjátoassi váldostivraáirasiin sáhtá dahkat gielddaráđdehussii čálalaš gažaldaga gieldda doaimmami ja hálddahusas.

Gielddaráđdehus galgá vástidit gažaldahkii maŋimustá váldostivrra čoahkkimis, mii vuosttasin dollojuvvo viđa mánotbaji geažes gažaldaga dahkamis.

Jos gažaldaga gieđahaladettiin dahkkojuvvo guottihuvvon evttohus gaskaboddosaš váljagotti ásaheamis čielggadit gažaldagas oaivvilduvvon ášši, de váldostivra galgá mearridit, ásaheavvogo gaskaboddosaš váljagoddi. Eará mearrádusa ii áššis oáččo dahkat.

121 § Gažahandiibmu

Váldostivraáirasis leavuoigatvuohta buktit ovdan gielddaráđdehussii gažahandiimmus vástideami vuollái oanehis eanemustá 5 minuhta guhkkosaš gažaldagaid gieldda hálddahussii ja ekonomiijai guoski áššiin. Gažahandiibmu ordnejuvvo ovdal váldostivrra čoahkkima, jos váldostivra ii nuppe lánkai mearrit. Gažahandiibmu lea almmolaš.

Váldostivrra ságadoalli doaimmá ságadoallin gažahandiimmus. Gielddaráđdehusa ságadoalli dahje su mearridan olmmoš vástida gažaldagaide. Gažaldagaide vástiduvvo boahтинортнегис, jos ságadoalli ii nuppe lánkai mearrit. Vástádusa oazžuma maŋŋá gažaldaga ovdanbuktis lea vuoigatvuohta dahkat guokte áššái laktáseaddji oanehis lassegažaldaga. Gažaldagaid geažil ii gevvojuvvo hálešteapmi.

Gielddaráđdehus 28.11.2022 § 195 • Váldostivra 15.12.2022 § 64

Gažaldaga galgá doaimmahit čálalaččat maŋimustá 10 beavvi ovdal váldostivrra čoahkkima. Maŋná doaimmahuvvon gažaldagat sihke gažaldagat, maidda ii gažahandiimmus geargga vástidit, sirdašuvvet čuovvovaš gažahandiibmui.

IV Oassi

Mearrádusdahkan- ja hálddahasmeannudeapmi

15. Čoahkkinmeannudeapmi

122 § Mearrádusaid heiveheapmi

Dán logu mearrádusat čuvvojit váldostivrra lohku viiddekeahhtá gieldda doaibmaorgánaid čoahkkinmiin sihke heivvolaš ošiid doaimmahus- ja dárkkistan- olbmuid čoahkkinmiin. Logu mearrádusat čuvvojit nuppisadjásažžan hálddahas- njuolggadusa eará loguid ektui, jos ii sierra leat nuppe láhkai mearriduvvon.

123 § Doaimaorgánaid mearrádahkanvuogit

Doaibmaorgána sáhtá gieđahallat ášši fásta čoahkkinmisttis, mas čoahkkin oassálastit leat mielde čoahkkinbáikkis. Fásta čoahkkinmisttis sáhtá geavahit elektrovnnalaš áššehálddašan- dahje jienastanvuogádaga.

Molssaektosaččat čoahkkinmisttis sáhtá doallat elektrovnnalaš doaibmanbirrasis, masa oassálastojuvvo elektrovnnalaš oktavuodain (elektrovnnalaš čoahkkin).

Doaibmaorgána sáhtá maiddái dahkat mearrádusaid gokčojuvvon elektrovnnalaš mearrádusdahkanmeannudeamis ovdal čoahkkinmisttis (elektrovnnalaš mearrádusdahkanmeannudeapmi).

Gielddaráđdehus dahje dan nammadan virgehálddašeaddji vástida, ahte elektrovnnalaš čoahkkinmisttis ja elektrovnnalaš mearrádusdahkanmeannudeapmái dárbbalaš teknihkalaš rusttegat, vuogádagat ja diehtjohtolatoktavuođat leat áiggi dásis ja diehtodorvvolačča dan láhkai go lágain gáibiduvvo.

124 § Elektrovnnalaš čoahkkin

Doaibmaorgána sáhtá doallat čoahkkinmisttis elektrovnnalaččat.

Gokčojuvvon elektrovnnalaš čoahkkinmisttis sáhtá oassálastit dušše dakkár sajis, gos čiegusin doallama vuloš dieđuid ja čoahkkinmisttis gevvuojuvvon háleštemiid eai olggobeale olbmot beasa gullat dahje oaidnit.

125 § Elektrovnnalaš mearrádusdahkanmeannudeapmi

Doaibmaorgána sáhtá mearridit áššiid elektrovnnalaš mearrádusdahkan- meannudeamis gielddalága 100 § mielde. Mearrádusdahkanmeannudeami sáhtá geavahit buot doaibmaorgána mearridanvárdái gulli áššiid.

126 § Čoahkkináigi ja -báiki

Doaibmaorgána mearrida čoahkkinmisttis áiggi ja báiki.

Čoahkkinmisttis dollojuvvo maiddái dalle, goas ságadoalli geahččá čoahkkinmisttis dárbbalažžan dahje eanetlohku doaibmaorgána lahtuin dahká ságadoallái evttohusa čoahkkinmisttis doallamis iežaset almmuhan ášši gieđahallama várás. Dalle ságadoalli mearrida čoahkkinmisttis.

Ságadoalli sáhtá vuodustallojuvvon sivas šluhttet čoahkkinmisttis.

127 § Čoahkkinbovdehus

Čoahkkinbovdehusa addá ságadoalli dahje goas son lea eastašuvvan, várreságadoalli.

Čoahkkinbovdehusas galgá almmuhit čoahkkima áiggi ja báikki sihke gieđahallama vuloš áššiid. Čoahkkinbovdehusas galgá máinnašit, mii doaibmaorgána mearrádusdahkanvuohki čuvvojuvvo guđege ášši buohta. Jos ášši gieđahallojuvvo elektrovnnalaš mearrádusdahkanmeannudeamis, de galgá bovdehusas buktit ovdan, man rádjai ášši galgá gieđahallat elektrovnnalaččat.

Evttohuslistá, mii sisttisoallá čilgehusa gieđahallama vuloš áššiin ja evttohusain doaibmaorgána mearrádusdan, sáddejuvvo čoahkkinbovdehusa oktavuodas, jos earenoamáš sivat eai leat easttan. Jos evttohuslisttás, čuvvosiin dahje lassemateriálas leat čiegusin doallama vuloš dieđut, de áššegirjái dahkkojuvvo merkejupmi čiegusindoallamis.

Čoahkkinbovdehus sáddejuvvo lahtuide ja earáide, geain lea mieldeorrun- vuogitvuohka dahje - geatnegasvuohka, doaibmaorgána mearridan láchkai.

128 § Elektrovnnalaš čoahkkinbovdehus

Čoahkkinbovdehus, evttohaslistá, čuvvosat ja lassemateriála sáhhtá sáddet elektrovnnalaččat. Dalle gielddaráđdehus dahje dan nammadan virgehálddašeaddji vástida das, ahte dasa dárbbášlaš teknihkalaš rusttegat, vuogádagat ja diehtojohatolaktavuodát leat geavaheamis.

129 § Evttohuslisttá ja čuvvosiid almmustuhttin gieldda fierbmesiiduin

Evttohuslistu almmustuhttojuvvo gieldda fierbmesiiduin. Ovdal almmuheami evttohuslisttás váldojit čiegusin doallama vuloš dieđut sihke persovdnadieđut, maidda ii laktás diehtunaddinintreassa. Fierpmis almmustahttin evttohuslisttás sáhhtá váldit eret ovttat čoahkkináššiid, maidda ii laktás earenoamáš diehtunaddinintreassa dahje jos earenoamáš sivas ášši válmmaštallan ii almmustuhttojuvvo ovdal mearrádus- dahkama. Evttohuslisttá čuvvosat almmustuhttojit fierpmis guorahallama mielde váldimiin vuhtii gieldda ássiid diehtunoažžunintreassaid.

130 § Joatkačoahkkin

Jos čoahkkinbovdehusas máinnašuvvon buot áššit eai šatta čoahkkimis gieđahallot, de gieđahalakeahhtá báhcán áššiid sáhhtá sirdit joatkačoahkkimii, masa ii dárbbáš addit sierra bovdehusa. Čoahkkimis eret leamašan lahtuide sáddejuvvo elektrovnnalaš sáhta joatkačoahkkima áiggis ja báikkis sihke joatkačoahkkima mearrádusdahkanvuogis.

131 § Várrelahtun bovden

Doaibmaorgána lahttu galgá bovdet várrelahtu iežas sadjái, jos son ii beasa čoahkkimii. Go lahttu lea easttalaš man nu čoahkkináššis dahje eastaga geažil ii sáhte oassálastit muhtun ášši gieđahallamii, de son sáhhtá bovdet várrelahtu ovttat ášši gieđahallamii.

Maiddá ságadoalli, áššegieđahalli dahje doaibmaorgána čáli sáhhtet doaimmahit bovdehusa várrelahttui.

132 § Mieldeorrun čoahkkimis

Doaibmaorgána lahtuid ja áššegieđahalli lassin doaibmaorgána čoahkkimis lea mieldeorrun- ja hállanvuogitvuohka

- váldostivrra ságadoallis ja várreságadoallis gielddaráđdehusa čoahkkimis gieldalága 18.2 § mielde

Gielddaráđđehus 28.11.2022 § 195 • Váldostivra 15.12.2022 § 64

- gielddaráđđehusa ságadoallis ja gielddahoavddas eará doaibmaorgánaid čoahkkimiin, ii liikkáge dárkkistanlávdegotti iige váldostivrra gaskaboddosaš váljagotti čoahkkimiin iige válgalágas ásahuvvon válgadoaibmaorgánaid čoahkkimiin.

Doaibmaorgána mearrida eará olbmuid mieldeorrun- ja hállanvuogatvuodas.

Doaibmaorgána sáhtta mearridit áššedovdi gullamis ovtat áššis. Áššedovdi sáhtta leat mielde čoahkkimis áššis geavvan hálešteami nohkama rádjai.

133 § Gielddaráđđehusa ovddasteaddji eará doaibmaorgánain

Gielddaráđđehus sáhtta 2 momeanttas albmanuvvi ráddjemiiguin mearridit eará doaibmaorgánaide iežas ovddasteaddji, geas lea mieldeorrun- ja hállanvuogatvuolta doaibmaorgána čoahkkimis. Ovddasteaddjin sáhtta mearridit maiddá gielddaráđđehusa várrelahtu dahje gielddahoavdda.

Gielddaráđđehus ii sáhte mearridit iežas ovddasteaddji dárkkistanlávdegoddái, váldostivrra gaskaboddosaš váljagoddái iige válgalágas ásahuvvon válgadoaibmaorgánaide.

134 § Čoahkkima almmolašvuolta

Čoahkkima almmolašvuodas ásahuvvo gielдалága101 §:s.

Jos doaibmaorgána mearrida doallat almmolaš elektrovnnalaš čoahkkima, de guldaleaddjiide galgá ordnet vejolašvuolta čuovvut čoahkkima interneahtha bokte sihke čoahkkinbovdehusas máinnašuvvon sajis.

135 § Čoahkkima lágalašvuolta ja mearridanváldi

Go lea rahpan čoahkkima, ságadoalli gávnaha geat leat báikki alde sihke leago čoahkkin lágalaččat čoahkkái bovdejuvvon ja mearridanválddalaš.

136 § Gaskaboddosaš ságadoalli

Jos sihke ságadoalli ja várreságadoalli leaba eret dahje easttalačča man nu áššis, de välljejuvvo čoahkkima dahje ášši gieđahallama várte gaskaboddosaš ságadoalli.

137 § Čoahkkima jođideapmi ja sáhkavuorut

Ságadoalli bargguin čoahkkima jođiheamis ja doaibmaorgána lahtuid sáhkavuoruin ásahuvvo gielдалága 102 §:s.

Áššit gieđahallojit evttohuslisttu čuovvu ortnegis, jos doaibmaorgána ii nuppe láchkai mearrit.

138 § Čoahkkinbovdehusas máinnaškeahtes ášši gieđahallan

Doaibmaorgána sáhtta áššegieđahalli evttohusas dahje lahtu evttohusas, mii lea guottihuvvon, váldit eanetlohkomearrádusain gieđahallamii ášši mii ii leat máinnašuvvon čoahkkinbovdehusas.

Jos áššegieđahalli evttohus lea ášši máhcaheapmi válmmaštallama vuollái, de doaibmaorgána sáhtta čoavdit ášši mearrádusainis dušše vuodustallojuvvon sivas.

139 § Áššegieđahallit

Gielddaráđđehusa áššegieđahallis mearriduvvo 3 §:s.

Gielddaráđđehus 28.11.2022 § 195 • Váldostivra 15.12.2022 § 64

Áššegiedahallis mearriduvvo doaibmaorgána mearrádusain. Jos doaibmaorgánas leat eanet go okta áššegiedahalli, de doaibmaorgána mearrida, man láhkai ovdanbuktinvástu juohkása áššegiedahalliid gaskka.

Go áššegiedahalli lea eret dahje easttalaš, de su sadjásažžan mearriduvvon doaibmá áššegiedahallin.

Ovdanbuktimis dárkkistanlávdegottis mearriduvvo hálddahusnuolggadusas nuppi sajis.

140 § Ovdanbuktin

Áššiin mearriduvvo doaibmaorgána čoahkkimis virgehálldašeaddji ovdanbuktima vuodul. Válgalágas ásahuvvon válgadoaibmaorgánain áššiin mearriduvvo goittotge ságadoalli čilgehusa vuodul.

Ovdanbukti vástida iežas ovdanbuktin čoahkináššiid áššáigullelaš válmmaštallamis ja lea geatnegas dahkat doaibmaorgánii mearrádusevttohusa.

Áššegiedahalli evttohus lea giedahallama vuodđun (vuodđoevttohus). Jos áššegiedahalli lea hálesteami áigge rievadan iežas evttohusa, mii lea evttohuslisttus, de rievdaduvvon evttohus lea vuodđoevttohus.

Jos áššegiedahalli evttoha ášši sihkkut eret evttohuslisttus, de ášši sihkkovuvvo, jos doaibmaorgána ii nuppe láhkai mearrit.

Doaibmaorgána sáhtta earenoamáš sivas mearridit, ahte ášši giedahallojuvvo ságadoalli čilgehusa vuodul almmá virgehálldašeaddji ovdanbuktima haga. Doaibmaorgána sáhtta dalle mearridit, ahte ságadoalli evttohus lea giedahallama vuodđun iige dárbbas guottiheami.

141 § Easttalašvuohta

Ovdal ášši giedahallama álgaheami galgá easttalaš olmmoš almmuhit easttavuodastis ja man geažil lea easttalaš sihke geassádit ášši giedahallamis ja vuolgit čoahkkimis.

Ságadoalli galgá dárbbu mielde bidjat čoahkkimii oassálasti easttalašvuođa doaibmaorgána čoavdima vuollái. Áššeomasteaddji olmmoš galgá dárbbu mielde addit čilgehusa áššiin, main sáhtta leat mearkašupmi su easttalašvuođa árvoštallamis. Go lea addán bivdojuvvon čilgehusa áššáigullelaš galgá vuolgit čoahkkimis.

Olmmoš, gean esattalašvuođa doaibmaorgána čoavdá, oažžu oassálastit iežas easttalašvuođa guoski ášši giedahallamii dušše hálddahuslága 29 §:s oaivvilduvvon spiehkastatdilis.

Easttalašvuhtii guoski čovdosa galgá vuodustallat beavdegirjái.

142 § Manjideapmi ja ášši máhcaheapmi válmmaštallamii

Jos hálesteami áigge dahkkojuvvo guottihuvvon evttohus ášši manjideamis, máhcaheamis válmmaštallama vuollái dahje juoga eará evttohus, man dohkkeheapmi gaskkalduhtášii ášši giedahallama, de čuovvovaš hállit galget ságadoalli ávžžehusa vuodul ráddjet sáhkavuoruset guoskat dušše dán evttohusa. Jos evttohus dohkkehuvvo ovttamielalaččat dahje jienastemiin, de ságadoallo gaskkalduhtta ášši giedahallama. Jos evttohus hilgojuvvo, de ášši giedahallan joatkašuvvá.

143 § Evttohusat ja ságastallama loahpaheapmi

Evttohus galgá addojuvvot čálalažžan, jos ságadoalli nu gáibida.

Gielddaráđđehus 28.11.2022 § 195 • Váldostivra 15.12.2022 § 64

Go buot sáhkavuorut leat geavahuvvon, de ságadoalli loahpaha hálešteami. Ságadoalli čilge hálešteami áigge dahkkojuvvon evttohusaid ja leago evttohus guottihuvvon.

144 § Jienasteami haga šaddi mearrádusa gávnaheapmi

Jos hálešteami áigge eai leat dahkkojuvvon guottihuvvon evttohusat, de ságadoalli gávnnaha vuodđoevttohusa doaibmaorgána mearrádussan.

Jos ságadoalli gávnnaha, ahte doaibmaorgána ovttamielalaččat guottiha čoahkkimis dahkon evttohusa, de ságadoalli gávnnaha evttohusa doaibmaorgána mearrádussan.

145 § Jienasteapmái váldin evttohusat

Jienasteapmái váldojit vuodđoevttohus ja guottihuvvon evttohusat. Evttohusa, mii on dahkkojuvvon molssaevttolažžan dahje manná gieđahallama vuloš ášši olggobeallái, ii goittotge váldojuvvo jienasteapmái.

Jos evttohusa dahkki ii leat báikki alde jienasteami álggediin, de su dahkan evttohus gehččojuvvo leat šluhttejuvvon iige dat váldojuvvo jienasteapmái.

146 § Jienasteapmi ja válga

Jienasteapmái heivehuvvon eará osiid, mii 12 logus mearriduvvo jienastanmeannudeamis váldostivrras. Válgga doaimmaheapmái guoski mearrádusat leat 13 logus.

147 § Beavdegirjji ráhkadeapmi ja dárkkisteapmi

Beavdegirjji doallamis ja sisdoalus vástida doaibmaorgána ságadoalli. Jos ságadoalli ja beavdegirjedoalli leat sierra miela čoahkkima jođus, de beavdegirjji ráhkaduvvo ságadoalli oainnu mielde.

Beavdegirjji vuolláičállá ságadoalli ja nanne beavdegirjedoalli.

Beavdegirjji dárkkistuvvo doaibmaorgána mearridan láchai.

Beavdegirjji sáhhtá vuolláičállit ja dárkkistit elektrovnnalaččat. Elektrovnnalaš mearrádusdahkanmeannudeamis dahkkojuvvon mearrádusaid guoski beavdegirjji dahje dan oasi sáhhtá dárkkistit sierra ovdal čoahkkima.

Doaibmaorgánabeavdegirjáimerkejuvvo ain juo:

Ortniidandiehtun

- doaibmaorgána namma
- merkejupmi geavahuvvon mearrádusdahkanvugiin (fásta čoahkkin, elektrovnnalaš čoahkkin, spesifiserejuvvojit mearrádusat, mat leat dahkkojuvvon elektrovnnalaš mearrádusdahkanmeannudeamis)
 - čoahkkima álgin- ja nohkanáigi sihke čoahkkima gaskkalduhttimat
 - čoahkkinbáiki
 - geat ledje báikki alde ja geat eret ja man namas guhtege lea leamaš mielde
 - čoahkkima lágalašvuohta ja mearridanváldi.

Áššegieđahallandiehtun

Gielddaráđdehus 28.11.2022 § 195 • Váldostivra 15.12.2022 § 64

- áššebajilčála
- čilgehus áššis
- áššegieđahalli mearrádusevttohus
- easttalašvuohta ja vuodustusat
- dahkkojuvvon evttohusat ja leago dat guottihuvvon
- jienasteamit: jienastanvuohki, jienastanortnet, jienastanevttohus sihke jienasteami boađus dan láchkai, ahte guđege lahtu bealiváldin albmanuvvá beavdegirjjiis
 - válggat: válgavuohki ja válgga boađus
 - áššis dahkkon mearrádus
 - sierraoaivil.

Eará diehtun

- čiegusindoallanmerkemat
- ságadoalli vuolláičálus
- beavdegirjji doalli nannen
- merkejupmi beavdegirjjidárkkisteamis
- merkejupmi albmosis doallamis almmolaš diehtofierpmis, jos beavdegirji lea leamaš albmosis. Beavdegirjái laktojuvvojit mearrádusaide guoski vuigengáibádusrávvagat ja váiddačujuhusat sihke nuppástusohcangiildosat.

Doaibmaorgána beavdegirjji sisdollui guoski mearrádusat čuvvojit heivvolaš osiin virgehálddašeaddji ja luohttámušolbmo dahkan mearrádusain.

Gielddaráđdehus addá dárbbu mielde dárkilut rávvagiid beavdegirjji ráhkadeamis.

148 § Mearrádusaid diehtunaddin gieldda lahtuide

Gielddaráđdehusa ja lávdegotti beavdegirji oktan dasa laktojuvvon vuigen- gáibádusrávvagiiguin dahje váiddačujuhusain dollojuvvo dárkkisteami maŋŋá albmosis gieldda fierbmesiidduin dan láchkai go gielдалága 140 §:s dárkilabbot mearriduvvo.

Eará virgeoapmahačča beavdegirji addojuvvo vástideaddji láchkai diehtun gieldda lahtuide, jos áššáigullelaš virgeoapmahaš geahččá dan dárbbášlažžan.

Gielddaráđdehus addá rávvagiid čiegusindoallan- ja diehtosuodjegeatnegasvuodaid vuhtii váldimis attedettiin mearrádusaid diehtun almmolaš diehtofierpmis. Lávdegoddi sáhhtá addit dárkilut rávvagiid doaibmasuorggistis.

149 § Mávssut luohhámušdoaimma dikšumis

Luohtámušolbmuid čoahkkin- ja eará mávssuin mearriduvvo váldostivrra dohkkehan bálkánjuolggadusas, man heiveheamis gielddaráđdehus mearrida.

16. Eará mearrádusat

150 § Álgavuoigatvuohta

Gieldda ássis sihke gielddas doaibmi servošis ja vuodđudusas lea vuoigatvuohta dahkat álgagiid gieldda doaibmamii guoski áššiin. Bálvallusa geavaheadjis lea vuoigatvuohta dahkat álgagiid iežas bálvallussii guoski áššis.

Álgaga galgá dahkat čálalaččat dahje elektrovnnalaš áššegirjjiin. Álgagis galgá bohtit ovdan, masa ášši guoská sihke álgaga dahkki namma, ruovttugieldda ja oktavuodadieđut.

151 § Álgaga gieđahallan

Álgaga gieđahallá dat gieldda virgeoapmahaš, geas lea doaibmaváldi dahkat mearrádusaid álgagis dárkkuhuvvon áššis. Jos doaibmaválddálaš virgeoapmahaš lea doaibmaorgána, de álgagiin ja álgagiid vuodul čađahuvvon doaibmabijuin galgá addit doaibmaorgánii dieđu manjelabbos mearriduvvon láhkai.

Gielddaráđdehus galgá jahkásaččat njukčamánu loahpa rádjai buktit váldostivrii logahallama dan doaibmaváldái gullelaš álgagiin ja daid vuodul čađahuvvon doaibmabijuin. Váldostivra sáhtá seammás mearridit, mat álgagiin leat lohppii gieđahallojuvvon.

Eará doaibmaorgána earet váldostivrran doaibmaváldái gullelaš álgagiin galgá addit dieđu doaibmaorgánii dan láhkaid go dat leat mearridan. Doaibmaorgána sáhtá seammás mearridit, mat álgagiin leat lohppii gieđahallojuvvon.

Jos álgaga dahkkin leat uhcimustá guokte proseantta gieldda ássiin, de álgaga galgá guđa mánotbaji siste álggaheamis váldit doaibmaválddálaš virgeoapmahačča gieđahallama vuollái.

152 § Álgaga dahkkái addin dieđdut

Álgaga dahkkái galgá almmuhit mánotbaji siste álgaga bohtimis, man virgeoapmahaččas álgga gieđahallojuvvo, árvaluvvon gieđahallanáigi sihke geas fidne lassedieđuid álgaga gieđahallamis.

Dan manjá go álgga lea gieđahallon lohppii, álgaga dahkkái galgá almmuhit, leago álgga dolvon doaibmabijuide.

153 § Bargofápmobálvalusat

Bargofápmobálvalusain vástida gieldalága 51-52 § mielde dahkkon soahpamuša mielde ovttasdoaibmanguovlu, man vástugiendan doaimá Soađegilli ja oktasašbargogiendan Anár, Giemajávri, Pelkosenniemi, Posio, Salla, Suovvaguoika ja Ohcejohka.

154 § Áššegirjjiid vuolláičállin

Váldostivrra ja gielddaráđdehusa mearrádussii vuodđuduvvi soahpamuša ja čatnaseami vuolláičállá gielddahoavda.

Váldostivrra ja gielddaráđdehusa doaimmahusgirjji ja čállosa vuolláičállá gielddahoavda.

Eará doaibmaorgána mearrádussii vuodđuduvvi soahpamuša ja čatnaseami vuolláičállá doaibmaorgána áššegieđahalli.

Eará doaibmaorgána doaimmahusgirjji ja čállosa vuolláičállá doaibmaorgána áššegieđahalli.

Doaibmaorgána beavdegirjeváldosa vuolláičállá beavdegirjedoalli dahje doaibmaorgána mearridan eará olmmoš.

Gielddaráđdehus 28.11.2022 § 195 • Váldostivra 15.12.2022 § 64

Doaibmaorgána áššegirjjiin addin váldosiid ja kopijaid duođašta riektagin beavdegirjedoalli dahje doaibmaorgána mearridan eará olmmoš.

Virgehálldašeddji vuolláičállá mearrádusaid, soahpamušaid, čatnasemiid ja eará áššegirjjiid áššiin, maid ieš lea mearridan.

Válmmaštallamii guoski áššegirjjiid vuolláičállá ášši válmmaštalli.

155 § Duođastuslaš diehtunaddima vuostávdin

Duođastuslaš diehtunaddima sáhhtá gieldda beales vuostávdit gielddaráđdehusa ságadoalli, gielddahoavda sihke virgehálldašeddji, gean gielddahoavda fápmuda.

Duođastuslaš diehtunaddima sáhhtá gieldda beales lávdegotti doaibmasuorggis vuostávdá lávdegotti ságadoalli ja lávdegotti doaibmasuorggi njunuš virgehálldašeddji.

Gielddaráđdehus 28.11.2022 § 195 • Váldostivra 15.12.2022 § 64

Ohcejoga gieldda hálddahasorganisašuvdna

